

PL  
2698  
L52  
1730  
v.13





敘

域中三大權曰天曰王曰史。福善禍淫。非天不公。黜幽陟明。非王不肅。知人論世。非史不傳。史也者。取古人之已事。而是其所非。非其所是。古人往矣。心之渺忽。不可知。口不能言。且無其口。一聽後人之顛倒而莫之辯。甚且黃衣虞楚之流鑒。空別構其端。以立於正史之外。既無隻眼看破。古人處事之難。又無良心吹索。前人之案。望使噉名之客。若元之遺賂。而購張說之詞。文皇現形而囑涑水之筆。意良苦已。揭後斯所謂知史而心術正者。乃可與論斷。然則作史固難。論史良不



易也。李子笠翁博物洽聞，其於二十一史，靡不根盤節解，條入葉貫，問取其源流同異，而以意斷之。有翻案有定案，不執已見，不依人牆宇，不立非非之堂，不矜察察之照，而究歸於理之所然，心之所安而止。余謂夫人勢歆歆過眼雲散，烏沒不足道，所不朽者名而已。然而一篇好文字，送歸地下，無人無之。及乎豐碑旣仆，揆撫互生，門祚衰微，瘡痍互見，以此觀之名亦安可保。所恃惟公論在天壤，此心同也。此理同也。余小子賦命陋劣，無宋子京歐永叔祿相不敢妄試於左，盲遷辱三十年來，每有論斷輒焚棄之，而獨折服於笠翁之論。



古每遇一執事掩卷思之心量手追十可得八九謂非此心此理之同歟論古如斷獄斷獄失出入朝廷有王法論古失是失非彼蒼豈無天理苟如學人操三寸不律洋洋浮浮批判先覺肆手影撰述沿瞽襲言言皆郢書燕說也引繩批根事事皆斧聲燭影也自恃爲王法天理所不及亦思以後人而斷論古人古人不能辭以天而論論史之人斷斷史之人斯人亦安所避王法嚴天理更嚴韓先生一生不承當彼自有說論史者尙慎旃哉有笠翁之論斷可以持國是可以正人心可以譽千秋而權萬古是編也雖與日月爭光可也



康熙三年壬巳後三日江南過客王杜雲謔

自序歸館史書命與蘇井下登徐之歸酒可以消悶是日  
入酒人亦安酒錢王意難天壁更難韓決坐一坐不承當  
人而酒歸古人古人不計猶以天而歸歸史之人酒酒史之  
財車車資資難難也自計錢王將天壁遇不及有思以資  
此此決費報手還難此此替難言言皆難書難歸也民歸此  
夫是夫非是資豈無天壁資吸學人對三十不替我我皆  
此此之同難歸古吸酒難歸夫出夫人歸政王亦歸古  
古歸歸十難難歸亦思之小量手豈十四歸人夫歸此此



笠翁別集卷之九目次

五帝紀

論華封人三祝

商紀

論堯讓天下于許由湯讓天下于卜隨務光

論堯之試舜高宗之任傳說同一命相而有詳略

之不同

論微子先抱祭器歸周

周紀



論晉文公賞從亡者不及介子推

論衛懿公使霍乘軒

論魏絳規晉侯安樂思終

論吳季札讓國

論子產言寬猛之政

論程嬰立孤而死

論伍員覆楚申包胥復楚

論智宣子趙簡子之立後

論吳起殺妻求將



論商鞅徙木立信

論蘭相如屈于廉頗

論王孫賈趙括陳嬰王陵四母之賢

秦紀

論縮高及安陵君信陵君之事

論綱目書張良與荆軻聶政之事一褒一貶

西漢紀

論高帝拜季布斬丁公

論韓信賜漂母官少年



論項羽不渡烏江

論漢定元功而張良陳平不與

論漢高之興綱目特筆有四

論漢高祖爲義帝發喪曹操挾天子令諸侯之同  
異

論韓信登壇之對諸葛亮草廬之談王朴平邊之  
策

論韓信兵法

論班彪稱高帝寬明仁恕知人善任



論周勃左袒之問

論陳平不對決獄錢穀之問

論袁盎臥坐

論賈山至言

論文帝勞軍細柳

論李廣程不識之將兵

論汲黯不拜大將軍

論武帝以汲黯爲淮陽太守宣帝以蕭望之爲平

原太守



論東方朔諫武帝置酒宣室

論周勃霍光優劣

論李廣數奇

論宣帝置廷尉平而鄭昌勸定律令

論龔遂治渤海

論汲長孺矯制開倉粟馮奉世矯制破莎車

論漢宣賞保護之功孝文修代來之功

論張安世辭祿

論二疏請老



論二疏不以財累

論京房考功課吏

論漢詔劉秀與宗正所奏七畧九流之義

東漢紀

論漢列二十八將獨以鄧禹居首

論漢圖功臣于雲臺馬援以椒房之親不與

論漢高入咸陽除秦苛法光武入河北除莽苛政

論高帝已平天下猶未正尊位光武未平天下遽

正尊位



論賈寇擬廉簡

論董宣執法史氏列之酷吏傳

論馬援遺書誠兄子

論丁鴻劉愷鄧彪三人之讓

論黃憲比顏子

論左雄限年之法

論漢立五經于太學門外

論管寧華歆優劣

論茅容孟敏優劣



論曹操自陳功伐及讓還三縣

論劉備之取劉璋



儲經之祖

金華先生集卷之六



笠翁別集卷之九

湖上李漁著

路沈心友因伯

全訂

男將芳漱六

五帝紀

論華封人三祝

華封人名官祝帝堯曰。使聖人富壽多男子。帝曰。辭。多男則多懼。富則多事。壽則多辱。封人曰。天生萬民。必授之職。多男而授之職。何懼之有。富而授人分。何事之有。天下有道。與物皆昌。天下無道。與物皆亡。

德就開千歲厭世去而上仙乘彼白雲至于

何辱之有

黃石公評

三多惟黃

帝足以當

之加之伊

音以祝

為諫固

見也從

來立說

者易詭

論古無

事不新

皆極其

正此不

疾走之

書

笠翁曰古之善頌善禱者皆于祝頌之中寓規諷之意如張老歌于斯哭于斯聚國族于斯之類是也華封人以富壽多男為祝無乃近諛而類今人壽誕乎曰不然彼蓋先具規諷之意于中而故設諛詞以發其問端者也故因帝堯謙讓致辭旋以授職分財與物皆昌之論進殆所稱謫諫者非邪然則帝堯善察則將直受而弗辭矣雖有藥石之論亦將何自而



也。行其  
語以為

入哉此所以為上古之君臣也

商紀

論堯讓天下于許由湯讓天下于卞隨務光

堯欲傳位許由由曰汚吾耳故往潁水洗之會巢

父飲牛其下亟牽去曰母汚吾牛口。卞隨務光

成湯時二人名

余潛心評

大抵皆莊

生傷言即

太史公曰

余登箕山

其上蓋有

笠翁曰天下重器也。讓天下大事也。從古及今幾千  
萬年求其能讓天下者惟堯舜二人而已。求其可受  
天下者惟舜二人而已。倘如外紀所載則當日之

笠翁曰

芥子園

許由塚云亦疑辭也  
笠翁快手拈破并三  
代以前怪奇渺茫之  
事皆可不信而學士  
大夫亦不敢以漢家  
竹書之類欺人矣

笠翁別集卷之八

藏板

天下竟不值一文錢逢人即讓較小兒之視餅餌猶  
不若焉則其讓天下于舜禹者亦偶然餽贈之常事  
耳何果斷公明之足美哉甚矣載籍之不足憑而秦  
始皇之焚書亦不為無見也此皆巖栖穴處者流欲  
自矜其高尚故構此空中樓閣以聳聽聞耳後世裨  
官野史皆效此立言以為讓天下之大事猶可幻設  
則凡小于此者何一不可幻設乎人謂世風日下以  
此觀之則當日之世風正未必上于今日也無論讓  
天下之事必不可信即所謂許由卞隨務光者恐堯



舜商湯之世亦未必果有其人耳。

先因伯古事之不可信也。十倍于今。如頭觸不  
周山而折天柱。缺地維。與鍊五色石以補天。十日  
並出。而射落其九。種種怪誕。不經之事。皆借諸所  
謂。瞽天謠也。如此奇謠。古人說得。出今人說不出  
也。今人所說者。皆瑣尾流離之事。古人所不傳道者  
也。由此推之。則吾岳父所謂當日之世。風未必上  
于今日者。蓋至  
常不易之論也。

論堯之試舜。高宗之任傅說。同一命相而有詳

畧之不同。

堯以子丹朱不肖。求可代已者。四岳皆舉舜。堯乃  
歷試以艱。使之慎徽五典。五典克從。納于百揆。百

揆時敘賓于四門。四門穆穆。納于大麓。烈風雷雨弗迷。于是立爲相。堯崩。諸侯推舜卽帝位。武丁既免喪。夢上帝賚以良弼。乃肖形求之。得說于傅巖。命爲相。先儒斷曰。以堯觀之。高宗似失之。過畧。以高宗觀之。堯似失之。過詳。蓋舜四岳所舉。說高宗自得之。其理不可不深思。又曰。有高宗有傅說。則可。君非高宗。臣非傅說。則必有以私意用人。而不合于公議者。後世用人。當如堯之試舜可矣。笠翁曰。若僅以舉相論之。則堯與高宗。誠有過畧過



詳之異。然高宗之舉說止于命相。堯之舉舜則不止于命相。而以天下昇之矣。豈有以天下與人而不試其勝任與否。竟與枚卜相臣之事同。而輕重懸哉。儼人必于其倫。吾謂堯與高宗之事同。中有別。不當以舉相並求之也。

論微子先抱祭器歸周

微子名啓紂之庶兄也。微子數諫不聽。乃與箕子比干謀。遂去。先儒論曰。或言微子先抱祭器歸周。非也。書所謂我不顧行。邇我罔爲。臣僕去而邇。

紂曷嘗有去商卽周之事哉。○又曰武王悼紂之  
自焚以武庚奉殷祀。一時釋箕子囚。封比干墓而  
未及微子。以微子避于荒野未之獲也。迨武庚叛  
戮始求微子以代殷後。奔周之說何太謬乎。

笠翁曰。抱祭器歸周。未必遂無其事。但恐不在夷齊  
叩馬以前。而在武庚叛戮之後耳。若果在武庚叛戮  
之後。周求微子以祀殷。當此之時。猶抱商家祭器而  
來。則其不怨忘國之心。又在箕子比干之上矣。何必  
強諱其事而復以膠柱之見論古人哉。



汪北海評祭器者。所以奉宗祫。盛黍稷而裨皇祖  
血食於勿替者也。微子嘗歸周時。仍抱商之祭器  
則是所歸者周也。所存者商也。在商不能保此器  
在周乃可以守此器。猶之軍中。可以避其金馬門  
可以避世。非有彘于周也。是武庚叛周。似欲與  
商矣。而實所以滅商。微子歸周。似欲廢商矣。而實  
所以存商。則公知之微。大誥既作。而遂有微子之  
命。我武庚。則微子亦各成其志焉。耳。厥後張  
良仕漢。乃始終為韓者。亦猶行微子之心。漢高既  
入漢中。而蕭冷張良出。從韓王。亦猶行周公之  
志。聖賢舉動。趨出於此。億萬  
非我益翁孰與闢其微哉。

### 周紀

論晉文公賞從亡者而不及介子推

文公名重耳。獻公次子也。獻公嬖于驪姬。殺太子

申生而伐重耳于蒲。重耳出奔。十九年而後反國。嘗餒于曹。介子推割股以食之。及歸。賞諸從亡者。而不及子推。子推之從者。懸書宮門曰。有龍矯矯。頃失其所。五蛇從之。周流天下。龍饑乏食。一蛇剖股。龍還于淵。安其壤土。四蛇入穴。皆有處所。一蛇無穴。號于中野。公曰。噫。寡人之過也。使人求之。不得。隱綿竹山中。焚其山。子推死焉。後人爲之寒食。文公環綿上田。封之。號曰介山。

黃石公評  
計施責報

笠翁曰。晉文公賞從亡者。而不及介子推。人皆責其



聞有市心  
矣。凡以死  
而彰君之  
過。以激而  
致。母俱焚  
忠孝奈何  
余嘗過介  
山。恨不起  
子推而問  
之也。

寡恩。子獨嘉其有識何也。以子推望報之心。不在死  
恩以後。而在行惠之先也。當其割股救懷之時。已先  
伏一求多之念于胸中矣。夫割股救親。人子之事也。  
然必于親疾垂危之日。萬不得已而為之。求以自盡  
其心耳。而古人猶有病其過情。不以列之純孝者。以  
其非中庸之道也。至于從亾之主。誼雖關切。然亦稍  
殺于親矣。况其受困之時。餒也。非疾也。割股以療病。  
吾聞其語矣。吾見其人矣。若曰。割股以救饑。則吾不  
特未見其人。亦且未聞其語也。子推為此。亦何心哉。

蓋以從亾者五人解衣推食之事誰獨無之非有奇  
能異行不足以結嗣主之心而來他日非常之報耳  
由是觀之則與易牙之烹子何異哉文公之不賞非  
忘之也蓋稍遲之以觀其責報不責報耳迨有龍之  
歌一作而當年之心事昭然矣此時不求之使出復  
何待哉而無如其有求不得遂以恩變爲讐也焚山  
不出抱樹而死亦何前恭而後倨哉凡施恩而有責  
報之心迨望之過奢酬之稍薄者未有不莫逆其始  
而冰炭其終者也吾不怪晉文賞功之太遲而怪其



求人之過急。或榜示其功。招之使出。否則使人以物  
色求之。世未有終日望報之人。與之以報而不受者  
也。奈何烈山澤而焚之。是以驅鳥獸者。驅人矣。報功  
之典。曾若是乎。此譎而不正之故智也。雖然。子推于  
此。亦惟有死而已矣。豈能復以鳥獸之道。自全其身  
哉。

笠翁又曰。有龍之歌。文義最劣。以龍喻主。以五蛇喻  
從亾之五人。以還淵喻反國。以得所喻受賞。又以一  
蛇無穴。號于中野。喻已之獨不蒙賜。無語不病。其過

庸無意不嫌其太露全不得隱諷之法寓言之體竟  
像今世蒙童小子學步之文不料出于三代之世可  
見古人載籍中原有最不妥貼處但未經人摘出耳  
人謂秦漢以後之書不宜多讀吾又謂秦漢以前可  
讀之書亦正少耳

論衛懿公使鶴乘軒

衛懿公好鶴鶴有乘軒者狄人伐衛衛將戰受甲  
者皆曰使鶴鶴寔有祿予何能戰戰於熒澤衛師  
敗績殺懿公○先儒申瑤泉曰衛君徇於一禽之



好而縱以失民。衛人嘆於一告之微。而懟以忘君。俱無善以相接。而君臣駢死。以爲天下笑。可悲也。笠翁曰。衛之亡國。其失在君。而論者不獨罪君。而令國人與之分過。使後世爲臣者。不得以懟君之故。坐視邦國之滅亡。誠至論也。但謂國人以一告之微。而懟以亡君。則似嚴于責民。而責君者未免太恕。衛君之亡國。非止以一告之微也。史載鶴乘軒者。乃舉一事。以槩其餘耳。卽以此一事論。亦何嘗不足以亡其國哉。公明儀曰。庖有肥肉。廄有肥馬。民有饑色。野有

餓萃是率獸而食人也。夫肉馬自肥與民何涉。而以食人之罪加之獸。以率獸食人之罪加之君乎。亦曰厚其所薄。未有不薄其所厚者耳。寵鶴而至乘軒。則凡有類於鶴者。無不加以異數。可知矣。以異數加之禽獸。則以奴隸待其臣。讐敵視其民者。又可知矣。受甲者。皆曰使鶴。鶴實有祿。但言鶴有祿。則受甲者之無祿。不待辨而自明。奪受甲者之祿。以養鶴。是卽率獸殺人之道也。君能率獸以殺人。臣獨不能借人以殺獸乎。是懿公之國。鶴亡之也。懿公之身。鶴殺之也。



但其臣之在常日止當令懿公先斬其鶴而後出師  
為之戮力禦敵更知朝廷之晉非有功者不得乘朝  
廷之祿非死事者不得食則為身死不之道兩得之  
矣奈何不雙言君使之身亡國破後世為君者  
則知鑒矣其為臣而不明大義者則將何以為訓哉  
汗北海評嘗惜張湯鑒鼠其詞失傳今見斬鶴之  
論如見樂鼠詞矣先斬鶴而後出師妙絕此等區  
處似從馬道驛縊  
殺楊玉環得米

論魏絳規晉侯以安樂思終

晉侯與諸侯伐鄭會于蕭魚及鄭平鄭人賂晉以

歌鐘鐃磬女樂悼公以其半賜魏絳曰子教寡人  
八年之中九合諸侯如樂之和無所不諧請與子  
樂之絳辭曰諸侯無匿君之靈也二三子之勞也  
臣何力之有焉抑臣願君安其樂而思其終也

笠翁曰論此事者當從賂字生情鄭人賂晉以歌鐘  
鐃磬女樂凡書賂者皆心不欲與而勉強予之且將  
有所利焉卽所謂將欲取之必姑與之之意也吳將  
伐齊越子率衆以朝王及列士皆有饋賂吳人喜惟  
子胥懼曰是豢吳也由此觀之凡書賂者皆豢之別



名也。猶齋為犬字，豕而以食豢之，豢之正所以自利也。苟明此義，將我懷委棄之不暇，何樂之有？魏絳不拜君賜，而況以安樂思終其即子胥、蔡吳之意，而以和婉出之者乎？

沈因伯辭子岳父嘗謂子曰汝輩讀書者絕少，能以奕棋之法彩而讀書，則無不可相見之。古人亦無不可見，長之文，字之義，其不可字中亦有眼，舉世皆解，括子之義，其不可說岳父亦自汝取，古書一卷，作棋，以奕之，其不可讀之，久當自得，子性不喜讀書，史者讀之，其不可竟不得其解，他日取書，父論史者讀之，其不可及論子，其解之政，則廢矣。在笑曰：道在是，其不可歌鐘，縛若女樂，而曰路論火猛，人畏之，說可虞之。

日還愛非眼而何他如智宣子趙簡子立後重羽  
不渡鳥江諸妙論無一不從書眼中得來爽法可  
通于書讀哉是言也余小子不敢  
自秘願公諸海內同人之善奕者

論吳季札讓國

吳子壽夢有四子長諸樊次餘祭次餘昧次季札  
壽夢見札賢欲立之札辭乃立諸樊樊復讓札札  
謝曰吾人欲立子臧子臧去之以成曹君札雖不  
才願附子臧之義諸樊卒餘祭立及餘昧欲傳以  
次必致國于季札札卒不受曰有國非吾節也固  
立之棄其室而畔乃舍之封之延陵故號延陵季



子○先儒論曰。廢先君之命。非孝。附子臧之義。非  
公執禮全節。使國篡君弑。非仁。出能親變。又不討  
亂。非智。彼諸樊。無季歷之賢。王僚。無武王之聖。而  
季子爲太伯之讓。是徇名也。豈曰至德。

笠翁曰。吳季札讓國一事。是之者。非非之者。是以讓  
之。不得其人。致日後有篡國弑君之事也。其義本之  
春秋。原有責備賢者之法。尊之爲賢者。故肯施以責  
備之辭。則凡施責備之辭者。皆欲尊之爲賢者也。愚  
謂英雄不可以成敗論。獨于賢人君子。正不妨以成

敗論之何也。英雄特一往之氣，不必盡顧將來賢人君子計出萬全，不可不詳。及始末秦伯以讓國而興周，孔子稱爲至德，論其成也。季札以讓國而亾吳，論者責以非義，論其敗也。但責之曰：可以讓，可以無讓，讓之未免傷廉。况知其不可而固讓焉，則是一味忌貪而竟忘乎其爲矯矣。如是議之，始爲允當。若以不孝不公不仁不智責之，無乃過刻而傷賢人君子之心乎？世有不孝不公不仁不智之人，而肯始終以國讓者乎？



方爾止評。泰伯。伯也。自後人據成敗而褒貶之。正未可分。勢也。孔子必欲微諷。不應心服。如設令其讓稍稍可議。孔子必欲微諷。不應心服。如以此孔子所心服之人而後人恣聽妄談。有是理乎。讀此論。知前人不孝不公之說。乃大謬也。

### 論子產寬猛之政

子產有疾。謂子大叔曰。我死。子必為政。唯有德者能以寬服民。其次莫如猛。夫火烈。民望而畏之。故鮮死焉。水懦弱。民狎而玩之。則多死焉。故寬難。疾數月而卒。仲尼聞之。出涕曰。古之遺愛也。

笠翁曰。子產誨人以猛。而孔子不以剛忍目之。于其

方爾止評  
此即大學

唯仁人  
愛人能  
人之意  
子產為  
糖可補  
疏所未

死也。反揮涕而贊曰：古之遺愛，以猛為愛，不幾以寬  
為不愛乎？曰：非然也。慮天下後世之人不效子產之  
存心，而但效其行事，故揭其心以示人。曰：子產非天  
下之忍人，乃存心慈愛之人也。惟存心慈愛之人，始  
可以行威猛之事。若稍涉殘忍而行烈政，則民無噍  
類矣。聖賢口中無不關世道人心之語，要須後人善  
釋之。子產曰：唯有德者能以寬服民。在諸贊一詞曰：  
惟存仁者能以猛服衆。

論程嬰立孤而死



晉屠岸賈將作難殺趙朔于下宮。朔妻有遺腹走  
公宮匿。既免身生男。賈聞之索於宮中。夫人置兒  
袴中得脫。朔客程嬰公孫杵臼相與謀曰。立孤與  
死孰難。嬰曰。死易立孤難。杵臼曰。子強爲其難者。  
吾爲其易者。乃取他兒匿山中。嬰出謬曰。與我千  
金。我告趙氏孤處。賈喜。乃使人隨嬰殺杵臼及兒。  
嬰與真孤匿山中。名曰武。後晉侯憫宣孟之忠而  
求其後。乃立武。反其田邑如故。及武冠成人。程嬰  
辭諸大夫。謂武曰。昔下宮之難。我非不能死。思立

趙氏之後。今武既立。我將下報。宣孟與公孫杵臼。遂自殺。

笠翁曰。程嬰杵臼二人之死。皆以下報宣孟。然杵臼之死。死於趙孤未保之時。以一身之存亡。繫趙祀之絕續。死有重於泰山者。杵臼是也。程嬰之死。死於趙武成立之後。欲全匹夫之諒。遂爲滿廣之經。死有輕於鴻毛者。程嬰是也。然爲此論者。皆世俗之恒情。非英雄之遠見。以予觀之。程嬰之死。死於後。猶杵臼之死。死於前。死則功成。否則事敗。皆萬無可生之理也。蓋趙



孤之真僞。惟嬰與杵臼二人知之。杵臼既死。無可證  
者。晉侯雖從韓厥之言。謂宜孟之忠。而立其後。蓋觸  
於一言之義。而感於一念之仁耳。能保事定之後。不  
有起而議之者乎。我於敵勢方張之日。既可謬執假  
孤爲真。則人於趙宋既覆之餘。何難共指真孤爲假。  
若謂取他人之血胤。冒其族之宗祧。寃則寃矣。其罪  
猶可言也。倘以彼義之高踪。認爲居奇之鄙行。則今  
日之程嬰。不幾爲他日之呂不韋乎。萬一晉侯惑於  
人言。而下問罪之詔。則嬰欲不死。其可得乎。嬰死而

趙氏既立之孤其能晏然無恙乎與其死於羣疑既集之後無寧死於流言未播之初且使晉國君臣交相謂曰嬰冒萬死以延如綫之脉而始終不有其身宜孟之德足以感人也若此有不共保其子孫而使之相延於勿替乎此嬰當日之苦心從來經人剖出者也觀其對趙武之言曰彼以我爲能成事故先我死今我不報是以我事爲不成遂自殺夫武旣成人矣復故位矣乃復曰是以我事爲不成抑何自爲刺謬歟蓋明告之曰我不死汝之成敗猶未可知耳後



人不明斯意而動謂今生取義者為矯是不特未識  
古人之心亦且大辨古人之語矣

江北海評晉趙穿殺靈公趙盾亡不越境太史書  
盾弑君仲尼美其書法不隱則趙宗之當滅已定  
于董史宣聖兩言矣及屠岸賈治靈公之賊殺趙  
朔晉之諸卿大夫本謂有以安殺罪賈者梓白為  
朔客嬰為朔友謀匿趙孤不過感趙氏私恩耳豈  
能與與討賊之師問弑君之逆者同日語哉景公  
疾卜人稱大業之後不遂者為祟烏知非受嬰請  
囑如曹棼侯儒故事况公因韓厥之眾脇諸將諸  
將不得已歸獄於賈則賈之無罪明矣嬰與武攻  
賈滅之能保事定之後無如董太史其人者權是  
非酌功過而復誅嬰與武耶程嬰知之故以一死  
繫晉之人心使人敬愛嬰自不忍深求于嬰因  
以不忍深求于武夫召公行南人不忍伐其甘棠  
况重然諾輕生死扶危定傾之義士其所鞠育之

孤而忍覆滅之乎。以是言立孤之難。誠哉。其難也。  
笠翁從今我不報。是以我事為不成。二語勘入。真  
有顯微開幽之識。  
陳植三評。予見時讀史。嘗以程嬰比之。侯嬴要  
死。無以謝杵臼。嬴不死。無以謝晉鄙。古人重其  
生也。如此。今讀笠翁此論。遂覺嬴尚可。生要必不  
可。不死。又何必要死。非特謝杵臼。正所以立孤。于不  
敗。嬴死。非特謝晉鄙。亦所以救趙。于必成。古人不  
輕其死也。  
又如此。

論伍員覆楚申包胥復楚

伍員與申包胥為友。皆楚人也。員父奢見尚被楚

平王殺。員奔吳。與包胥別。員曰。我必覆楚。包胥曰。

我必復之。伍員既奔吳。道吳伐楚。既入郢。遂鞭平



王屍包胥乃如秦乞師。秦伯使就館。包胥依庭牆而哭。日夜不絕飲食。不入口者七日。秦乃爲之出師。遂敗吳師。楚昭王復國。先儒論器曰。覆楚復楚之事。蓋伍申二人通成其志者也。子胥之亾也。過而別。包胥曰。我必覆楚。包胥曰。我必復楚。則楚之將覆。包胥與聞其謀者也。與聞其謀而莫之禁。所以戒子胥之志也。及包胥復楚。而子胥亦莫之禁。所以成包胥之志也。此兩人者。真天下奇男子哉。

笠翁曰。一國也。覆之復之。如反掌然。兩人之能事。則見矣。其如君父之播遷。生民之塗炭。何究竟伍子胥申包胥所行之事。均非報君為國之良圖。處友全交之正道。

張祖能評。楚國安危。全係子胥包胥二人。然則包胥苟欲存楚。何不豫殺子胥。則楚不必存。而自存。子胥果欲覆楚。盡于入楚時先追包胥殺之。則楚不覆。而自覆。二子善全友道。願為其難。笠翁處友全交之說。可為千古定案。然報君處友。吾必以申包胥為正。

智宣子趙簡子之立後

智宣子將以瑤為後。智果曰。不如宵。瑤之賢于人者。



五其不逮者一。美鬚長大則賢。射御足力則賢。長藝畢給則賢。巧文辨慧則賢。強毅果敢則賢。如是而甚不仁。夫以其五賢陵人而以不仁行之。其能難待之。若果立瑤也。智宗必滅。弗聽。智果別族于太史。爲簡氏。趙簡子之子長曰伯魯。幼曰無恤。將置後。不知所立。乃書訓誡之辭于二簡。授二子曰。謹誡之。三年而問之。伯魯不能舉其詞。求其簡已失之矣。問無恤。誦其詞甚習。求其簡出諸袖中。簡子于是立爲後。論者以二事並列。較其低昂。予謂論此事者不必遠搜奇。

與別探幽微。只以二事之本文細玩一遍。便起無數峰巒。令人應接不暇矣。訓誠二字。是趙氏保家之本。五賢二字。是智氏滅宗之源。兩家之功罪。不在子而在父。兩家之得失。不在立後之日。而在正嗣未立之先。以平日有教不教之分耳。書訓詞于簡。其能以義方妨子。不待辨論而知之矣。若智伯之縱而不教。今于瑤之不仁處驗之。反在其賢于人處知之。何也。智果口中多微詞。其所謂賢者皆愚不肖之別名也。首以美鬚長大爲詞。是內無可取。而求諸外。其寓貶于



褒也可知。至于射御足力。技藝畢給。巧文辨慧。強毅果敢。諸能事。蓋孔子所謂射行小慧。滕世子所謂馳馬試劍。後生輩有一于此。未有不喪其家者也。但智果子爲父之前。不便深言其子之惡。故先予以可喜爲後來納諫地耳。其如宣子之溺愛何。故曰兩家之功罪。不在子而在父。兩家之得失。不在立後之日而在正嗣未立之先也。若無恤之于伯嚭。但有智愚之分。而無賢不肖之別。人謂無恤受簡之後。歷三年而誦之甚習。又能出諸袖中。真令子也以予觀之。是必

有人教之使然。非天性也。訓誡之詞無幾。固不難于誦習。但出入必置懷袖。而無片刻之遺。此則有意。爲之事。而非無心。偶合之情。萬一懷之平日。而失于承問之一朝。則奈何。始簡子有意鄉之。而無廢長幼之名。故授其意于母氏。或師傳以爲躋進之階耳。不然。何于父死之後。綴經未除。遂以銅斗擊殺伯魯之子。而并其地。豈訓誡之詞止宜佩服于生前。而不當遵行于死後乎。予故曰。無恤之于伯魯。但有智愚之分。而無賢不肖之別。蓋跡其事而原其心也。



吳起殺妻棄將

吳起以衛人仕于魯齊人伐魯魯人欲以爲將起妻齊女魯人疑之起殺妻以求將大破齊師或譖之于魯侯起恐得罪問趙文侯賢往歸之文侯問諸李克克曰起貪而好色然用兵司馬穰苴弗能過也于是文侯以爲將笠翁曰千古不近人情之事未有如吳起殺妻與易牙烹子參羊食子之三事者也其所以忍心害理而爲之者不過欲取信于人耳而人反疑之者何也曰詐也又有同其事而異其情能使天下

陳天游評

快絕之論

令我如子

美齒漢書

浮數大白

萬世相信而不疑者張巡之殺妾是也誠也疑與信  
之分在誠與詐之間而已矣胡以知其詐曰起之去  
魯而歸魏也文侯問諸李克克曰起貪財而好色夫  
既已好色則其在魯之殺妻未必專為求將非憎婦  
貌之不揚即惑于侍妾之言借此以除婦耳吾未  
見貪財好色之人肯為建功立名而殺一美婦棄一  
賢妻者也

商鞅徙木立信誘執公子邛

予嘗謂商鞅為千古罪人以其開天下殘刻之端而



鑿後世奸雄以狙詐不情之竅也。操莽輩所行之事。無一不取法于此。獨怪當時秦國乏人。不能破其狡。豈有無故令人徙木而予以五十金之重賞其意。不有在者乎。豈有如此多術之人。不能規正太子于先。必欲使之犯法而刑其師傅。以售吾恐嚇斯民之計者乎。至公子卬以同國之人。習觀其狡而以身試不測。又無術之尤者也。噫。以一國之愚而成一人之智。傳其流毒至今。誠爲恨事。有心天下者。不能不爲世道人心。誅禍首也。

蔣相如屈于廉頗

蔣相如能完璧歸趙。又能使秦王擊缶。獨聞廉頗欲辱之。輒引車避匿。勇于萬乘之君。而屈于一人之敵。英雄之不可測也如此。然爲此不可測之事者。間亦有人。如韓信縱橫于勅敵。而挫辱于少年是也。然相如之受屈。與韓信之受屈。不可同年而語。以韓信爲蓋世英雄。少年爲市井亡賴。勝之不足爲榮。故屈之亦不足爲辱耳。若令絳灌諸人。以此加信。信有拔劍死鬪而已。若廉頗之與相如。則當世二丈夫也。此辱



則彼榮。此榮則彼辱。孰肯引車避匿而爲辱已榮人之事哉。于此而能自屈。則謂屈人之不能屈者。天然又不止于能屈。觀其先國難後私仇。一屈而後地步不待煩之內祖謝罪。始覺其榮。此謂出已令善飯將軍。置身無地矣。千古上下皆美相如之能自屈。子獨曰相如非能自屈。乃深于屈人者也。

王孫賈趙括陳嬰王陵四母之賢

王孫賈趙括陳嬰王陵四母皆賢。然其所以爲賢者。則分二種。括母愛母。善保其子之身。賈母陵母。

其子之名然。然。婦人之恒情。成其名者。男。子。之壯志。括母。嬰母。賢終成爲婦人。若賈母。陵母者。則巾幗也。而鬚眉慈母也。而嚴父矣。

秦紀

縮高及安陵君信陵君之事

安陵人縮高之子仕秦守管

管縣名屬滎陽

信陵君攻之不

下使人召高攻管高辭信陵君怒使謂安陵君生東

高而致之不然帥十萬之師以造城下安陵君曰吾

先君成侯受詔襄王以守此城也今受太府之憲曰



子弑父臣弑君有常不赦。今縮高辭大位以全父子之義。而君曰必生致之。是使我負襄王之詔而廢太府之憲也。縮高聞之曰。此辭反必爲國禍。吾已全已。無違人臣之義矣。豈可使吾君有魏患乎。乃之使者舍刎頸而死。信陵君聞之。縞素避舍而遣使謝安陵君。丁南郡曰。縮高明于父子之義。安陵君聞于君臣之義。信陵君亦可謂知過能改矣。予謂縮高全父子之倫。安陵守君臣之義。二事實異。魏美若信陵之縞素避舍。則有間焉。未也。鼎足于君臣父子朋友之

間也。名人之父以攻其子。滅君之憲以利其城。是帶  
倫理。綱常于不問矣。安得復有悔過之心乎。夫攻管  
不下。而至欲名其父。以爲餌。其出于無可奈何也可  
知。今聞父死于義。則守者愈堅。欲以不義之師而克  
守義之城。雖至愚者亦知其不能也。故借重義。哀死  
爲名。編素避舍。以爲旋師計耳。其意蓋曰。吾非攻之  
不下。乃挫于仁而屈于義也。噫。有挫于仁而屈于義  
者。肯爲挈父攻子之事乎。後世不察。予以知過能改  
使配食于安陵。縮而之間。亦可謂蒼素莫辨而齊方



寸之木于岑樓矣。吾將謂之何哉。

綱目書張良博浪之擊與荊軻聶政之事一褒

一貶

于房之于荊聶其報讐之迹雖同而所報之讐與所以報讐之故則相去千里。雖欲強比而同之不可得也。夫子房所報之讐乃君父之讐也。五世相韓明其受韓之恩可謂淵深而嶽峙矣。一旦爲秦所滅卽稍知禮義者皆有切齒之心况良爲間出之英雄實實有報讐之具者乎。其擊秦也旣非激于人言又非迫

于時勢乃自性靈所發。如淵魚之奮躍。草本之怒生。以他人視之。則爲不得不然。由子房視之。實爲莫知其然而然也。至于荆軻聶政所報者。不但非君父之讐。亦且非已之讐。蓋見役于人而讐其所讐者也。讐其所讐。而又不問其可讐與否。漫然一試。而使身亡事債。是何異于盜人而不得其術。卒爲所獲者乎。書之曰盜。猶曰幸焉。蓋二人非智盜。乃愚盜也。且子房之擊秦。非自擊之。以力士擊之也。大索十日而不得。是何如之。力士乎。使力士而遇荆軻聶政。必不屑與。



之較短長矣。然則力士之所不屑較者。而以子房較之。不幾辱子房。而羞天下之上乎。宜綱目之大判其詞。使讐人之讐。而徒償其事者。不得與報君父之讐。而終能成其大志者比也。

西漢紀

論高帝拜季布斬丁公

季布爲項籍將。數窘辱帝。籍滅。帝購布千金。匿者罪三族。布乃光錯爲奴。自賣于魯朱家。朱家爲見滕公曰。季布何罪。臣各爲其主耳。今上始得天下。

而以私怨求一人。何示不廣也。且以布之賢。漢求之急。此不北走胡。南走越耳。夫忌壯士以資敵國。此子胥所以鞭荆平之墓也。滕公待間言于上。乃赦布。召拜郎中。布母弟丁公亦爲羽將。遂害帝彭城。西短兵接。帝急顧曰。兩賢豈相厄哉。丁公引還。及羽滅。謁見帝。以丁公徇軍中。曰。丁公爲項氏臣。不忠。使項王失天下。遂斬之。曰。使後爲人臣者。無效丁公也。

笠翁曰。高帝生平之怨。無所不報。所幸而免者。惟季



布。游。說。二。人。而。已。然。皆。藉。力。于。人。言。又。何。得。一。下。而。得。留。侯。侯。雖。出。游。說。則。曰。諸。將。相。聚。謀。反。事。公。為。季。布。游。說。則。曰。北。走。胡。南。走。趙。可。見。二。人。之。不。死。而。且。得。封。侯。拜。官。者。非。出。于。高。祖。之。誠。然。有。所。畏。而。予。之。也。謂。之。知。幾。達。務。則。可。謂。之。寬。明。仁。恕。則。不。可。推。新。丁。公。一。事。乃。英。雄。血。性。使。然。非。有。所。迫。而。然。之。也。如。此。快。事。千。古。無。幾。即。使。季。布。不。拜。而。專。斬。丁。公。亦。不。失。為。英。雄。之。主。况。二。事。可。以。並。稱。者。哉。畧。短。而。取。長。即。謂。季。布。之。拜。官。出。于。高。帝。之。誠。然。也。亦。可。

王望如評布之窘辱漢高。非窘漢高也。為其主也。丁公放漢高而不逐。非放漢高也。不為其主也。不為其主。猶得謂之為人臣乎。一拜。斬久已定於或窘或放之時矣。

論韓信賜漂母官少年

韓信封楚王。至楚。召漂母。賜千金。召辱已少年。為中尉。告諸將相曰。此壯士也。方辱我時。寧不能殺之。耶。殺之無名。故忍而就此。

王望如評  
使漢高如  
誰陰之  
漂母則  
不必死  
陰如使

望翁曰。二事中亦有優劣。賜漂母。易官少年。難韓信。封楚王。富貴已極。其視千金。猶吾輩之視斗粟。凡布以賜路人。猶不足怪。况報微時活命之恩乎。吾猶怪。



母之不孝  
 報則信矣  
 不死至官  
 少年是以  
 恩報恩也  
 則此以報  
 科天下此  
 不效以報  
 報恩乃卒  
 為及子所  
 是為孝子  
 象培宗師  
 咬此六言  
 字通釋  
 十難  
 並而也  
 世人息想

其遲報且不早耳前此為齊王及拜大將軍何一非  
 報恩時乃為出納之客而必待王楚以後何也漂母  
 之不受未必不出于此耳若官少年一事誠不可及  
 但其告諸將之言又非本心乃英雄欺人語也彼曰  
 方辱我時寧不能殺之乎殺之無名故忍而就此大  
 無故出入于胯下是辱士也辱士而殺之何謂無名  
 其所以不殺者不過慮三尺法耳殺人抵命盛世且  
 然况秦有苛法者乎留其身以有為不肯死于殺人  
 之法故忍而就之此恒人之情也信耶為恒人故諱

之。外。道。也。  
王。手。筆。  
此。而。不。能。  
逐。鹿。文。場。  
是。棄。物。矣。

卷之九

三

藏板

而不道乃飾以他辭至于王楚之時殺此輩一人如  
滅蟻蝨耳待以不死已見深仁大德况從而官之豈  
非聖賢所行之事哉然而韓信英雄非聖賢也吾不  
敢以論聖賢者論之大約英雄成事與立功名皆由  
于小人之激挫妻不下機嫂不為炊此蘇季子之少  
年也配而辱之使出勝下此楚王信之妻與嫂也信  
之得有今日少年與有力焉由是觀之則少年之功  
豈出漂母下不殺而官之誠英雄之高見耳抑又有  
說焉丈夫得志要使有恩有怨之人目擊而歎服之



如可自明其得意富貴而歸故鄉使讐家已死親父  
弟落則與友綉夜行紅馬使信殺少年于當日則此  
所之高牙大蘇叱咤然欲起九原而使之見其可  
得乎留至今日而使之見以動其羞媿怨艾之心是  
不殺之甚于殺也又從而官之使刻刻瞻拜下風求  
一藏羞之地而不可得是又以冠裳爲斧鉞而刑讓  
代征誅者矣英雄之列每遂至是哉此報讐辱耻之  
良法不可不揭以示人凡人以韓信自期而不信  
少年爲伍者皆當視怨爲恩留其人以自待可也

余澹心評觀笠翁此論則李廣殺霸陵醉尉非與  
余生曰韓信官少年見信之巧廣殺醉尉見廣之  
真總之皆英雄也英  
雄舉動最忌雷同

論項羽不渡烏江

漢兵追項羽至烏江有亭長艤船以待曰江東雖  
小亦足以王願急渡羽歎曰籍與江東子弟八千  
而西今無一還縱江東父老憐而王我我何面目  
見父老乎遂自刎

余澹心評

此笠翁游

歷之意然

難後來論

笠翁曰羽之不渡烏江疑為亭長所執夫人而知之  
矣但其疑心之所自始與所以不得不疑之故尚未



人也

和人道。子請以吾見測之。其疑心之所自始。則  
于。艦。船。有。人。其。所。以。不。得。不。疑。之。故。則。全。在。亭。長。二  
字。漢。兵。追。羽。至。烏。江。則。烏。江。片。土。必。非。鴟。犬。不。信。之  
地。亭。長。何。人。能。不。隨。衆。避。兵。而。尚。艦。船。以。待。且。爲。持  
言。以。誘。之。乎。雖。曰。非。奸。吾。不。信。矣。至。于。亭。長。二。字。更  
屬。千。古。疑。團。何。也。漢。王。非。他。其。未。起。兵。時。亦。酒。上。一  
亭。長。也。安。在。艦。船。之。人。非。其。當。日。同。事。者。乎。爲。得。志  
之。亭。長。所。追。復。有。一。亭。長。艦。船。以。待。此。而。不。疑。爲。奸  
必。其。無。心。腸。知。識。者。而。後。可。後。漢。白。衣。搖。櫓。之。事。非

其左券乎此時自亭長而外必不另有一艘船之人  
欲渡不可不渡不能與其死于亭長之手而為天下  
笑無寧死于自刎之為烈乎此重瞳不王江東之故  
也至其對亭長之言則欲與江東父老為永訣之詞  
借亭長之口以代傳之耳

孫宇台評說及亭長二字。結末有不覺晚者。獨怪  
于千萬人讀史從未有一人拈出而獨留此妙論  
待我笠翁發之此亦理之不可解者豈古今人盡  
皆瞶瞶視亭長二字不此移笠翁二目之中有洞  
瞳子以一半射泗上亭長一半射鳥江亭長故能  
並見而互得之邪甚矣造物生才之遲而不使唐  
宋諸賢亦獲  
用此妙論也



論漢定元功位次而張良陳平不與

詔定元功位次。曰：「蕭何功多，宜第一。」鄂千秋獨以蕭何轉餉獨全劉中，爲萬世之功，上乃以何爲第一。參、張敖亦以進賢受賞，封安平侯。而良平不與。良嘗諫曰：「漢封功臣，其盟誓之辭曰：『非軍功不侯。』今軍功中又立最重三事：一曰從起，豐沛二曰從入關中破秦，三曰從定三秦。十八侯位次全分于此。良平皆後附，故不得與。又良平皆帷帳謀議，不履行陣，所以讓軍伐居先。」

笠翁曰陳氏之論是矣但後云良平皆帷幄謀議不  
履行陣所以讓軍伐居先此語殊覺悖謬夫運籌帷  
幄此軍功所自始也不見功狗功人之議乎或先設  
盟誓之時草草定議未嘗計念及此殆成功之後又  
不便更易前言故良平有功而不得與然以公道論  
之究竟是一恨事兩君沒齒無怨言此其所以不可  
及也

汪北海評元功位次每有不愜人意者不獨漢高  
也雲臺不列伏波明初不王誠意其事頗與良平  
類倘亦英雄欺人故顛倒以示不測耶  
然而沒齒無言宜笠翁之深服兩君矣



論漢高之興綱目特筆有四

綱目于高帝有四特筆。其一即位也。如秦并後。項籍計其用邊其也。其致助其即位也。其二皇帝位大綱正矣。

笠翁曰。斑彪作王命論于漢高多溢美之詞。猶曰本朝之臣子不得不然也。朱子去漢千餘年中。歷數代何所畏于漢朝。何所私于高帝。而亦爲此極口之贊揚。不留餘地之書法哉。總爲得天下以正耳。得天下以正。遂占却如許便宜甚矣。漢高有幸而得生于羸。

卷之九  
秦暴虐之時也

論漢高祖爲義帝發喪曹操挾天子以令諸侯  
之同異

項羽密使英布弑義帝于江中沛公從新城二老  
之議爲義帝發喪合諸侯兵伐楚○荀彧謂曹操  
曰昔晉文納周襄而諸侯從漢高發義帝喪而天  
下歸因勸迎獻帝操遣曹洪西迎天子自將兵詣  
洛陽

笠翁曰繼晉文而欺天下者漢高是也繼漢高而欺



一者曹操是也思舊德而懷故主天下之民有同  
心焉納襄王哭義帝迎獻帝所謂欺之以其方故當  
世之心皆為所欺而莫之覺也然以後世之人觀之  
則似傀儡登場不過演習故套而已何同異得失之  
足論哉

汪北海評世每多漢高之發喪而不重魏武之挾  
天子登餘大聲並喝等之曰欺誠哉是欺也何也  
漢高之發喪從三老並公之言也豈有不共戴天  
之仇侯人慊慊而後報者乎且並公之言曰明其  
為賊敵乃可服則發喪非為義帝也欲屈服西楚  
也其欲屈服西楚也故並公大言並喝等之曰欺誠  
哉是欺也





萬之衆。挾天子。令諸侯。難與爭鋒。孫權據江東。國險。民附。可爲援。而不可圖。荊州地形四塞。用武之國。益州沃野千里。天府之地。而其主皆不能守。此天所以資將軍也。若跨有荊益。修政觀變。霸可圖矣。○周世宗有削平天下之志。王朴獻策。言中國之失。吳蜀幽并。皆由失道。今欲取之。莫若反其所爲。唐與吾接境。其勢易擾也。避實擊虛。避強擊弱。則江北諸州。將悉爲我有。旣得江北。則用彼之民。行我之法。江南亦易取。巴蜀可傳檄而定。燕地望

風內附。惟河東必死之寇。不可以恩信誘。且爲後圖。俟天下旣平。伺間一舉可擒也。○真西山曰。古今論兵者甚衆。然卒之無言不酬者。惟韓信登壇之對。諸葛亮草廬之談。王朴平邊之策。

笠翁曰。賢人君子之道。與英雄豪傑之事。判然不同。其歸于名實相副則一也。先行其言而後從之。賢人君子之道也。先言其所能行。而後以實踐之。英雄豪傑之事也。韓信諸葛亮王朴三人。是能以英雄豪傑之事。而合賢人君子之道者也。天下大事。一毫未入。



其手而能言之鑿鑿說成說敗若數家珍旁觀者不  
笑爲誇卽卽爲誕矣。及至大事入手。遂作傲去無一  
不與所言湊合。若還此話不說在先焉。知今日之成  
功。非以偶然微倖而得之者乎。偶然微倖四字。英雄  
豪傑之所耻也。故必欲斷之于初。其必欲斷之于初。  
似與賢人君子相反。及其功成名立。使天下後世皆  
信其非誇非誕。則與賢人君子無異矣。後世論人者。  
何必定執賢人君子之道而爲微倖成功者。留一藏  
拙之地哉。

論韓信兵法

信出背水陣勝趙諸將問曰兵法右倍山陵前左水澤將軍令臣等反背水陣以勝何也信曰此在兵法諸君不察耳兵法不曰陷之死地而後生置之死地而後存乎且信未得素拊循士大夫也此所謂驅市人而戰置之生地皆走寧得而用之乎諸將皆服

余澹心評

運用之妙

存乎一心

可至用古

笠翁曰兵無常形全在因時制宜而不爲人所測若執定古法行軍謂其斷難移易則孫臏滅竈之後人



兵法故田  
單火牛一  
用之而勝  
後人再用  
之而敗也

人只該滅竈虞詡增竈之後人人又只該增竈矣豈  
談兵之書只我國有之而敵人竟未之見邪韓信用  
兵之妙全在善讀陰符而不為陰符所縛故能出奇  
取勝以予觀之其對諸將之言還是論其淺而未及  
其深也

又曰未得拊循士大夫一語是韓信之謙詞以對諸  
將而言也觀士大夫三字可見若泥定此語為實則  
凡未經拊循之人皆可驅而之死地矣誤天下後世  
之蒼生者必此言也

王聖如評淮陰用兵與汾陽相反汾陽正勝奇淮陰奇勝正神而明之存乎其人原不等於奕之譜別之飾字盡之藍本也未嘗稍循士大夫一語不獨善將兵即謂之善將將亦可

論班彪稱高帝寬明仁恕知人善任

班彪王命論曰蓋在高祖其與也有五一曰帝堯之蓋齋二曰體貌多奇異三曰神武有徵應四曰寬而仁恕五曰知人善任使○先儒論曰帝以其憂葵不封伯氏之子文王聖以為言乃封其侄憂葵侯明著書曰文美之晉寬厚者乃如是乎及居晉陽聞呂賴居代谷發兵擊之不虞其詐



被。困。于。白。公。其。明。安。在。乎。韓。彭。開。國。元。勲。輕。信。誣。言。傷。逆。掩。塞。而。合。彼。之。兵。其。三。族。醢。越。以。賜。諸。侯。仁。者。乃。如。是。乎。其。于。經。理。邊。事。以。韓。王。信。居。太。原。而。信。反。寵。幸。陳。豨。使。監。趙。而。豨。反。以。盧。綰。為。故。舊。俾。王。燕。而。綰。反。其。知。人。善。任。使。俱。安。在。乎。彪。漢。臣。時。粧。飾。此。言。後。人。不。究。其。實。謬。為。褒。美。所。謂。鑒。人。觀。場。也。歟。

笠翁曰。以予論漢高。知人善任。則有之。見明仁恕。則未也。自起兵以來。所用皆當世豪傑。又任之各當其

才。至。于。信。豨。綰。三。人。之。反。出。之。意。外。周。公。聖。人。不。能。  
料。管。蔡。之。將。叛。而。使。之。况。其。他。乎。獨。是。以。天。子。而。譬。  
匹。夫。屑。屑。以。報。怨。爲。事。反。出。韓。信。官。少。年。之。下。其。容。  
人。之。量。可。知。矣。彭。信。越。皆。元。勲。也。雖。各。有。罪。亦。可。皆。  
原。未。必。盡。在。不。宥。之。列。且。殺。之。可。矣。族。可。弗。夷。乎。醢。  
可。弗。賜。乎。曾。寬。明。仁。恕。者。誅。戮。有。功。之。臣。而。且。不。留。  
餘。地。乎。班。彪。多。溢。美。之。詞。總。爲。高。祖。得。天。下。以。正。故。  
取。大。美。而。畧。小。疵。不。覺。其。言。之。過。甚。耳。此。歷。代。史。臣。  
皆。然。不。獨。彪。爲。漢。臣。始。有。阿。私。之。論。也。



江北海評得天下以正故不覺美之過其論在  
為漢臣安得不云樂者之上養美其正則公而  
臣漢則私也然君子論人貴乎正則公而私  
斷班論吾知並翁固有允當之論論漢高絕

### 論周勃左祖之間

呂后崩諸呂欲為亂時太尉周勃不得  
與祿善說祿以兵屬太尉勃入軍門令  
右祖為劉氏左祖軍中皆左祖勃遂為  
諸呂斬之先儒論周勃左祖之間為非有如軍士  
不應或皆右祖或參半焉則如之何程子謂當是  
時直當論以大義率而用之况太尉已得北軍士

去離漢書  
漢高祖  
於高祖  
慕之先  
翁知勃  
基呼交  
之後千  
上下目  
如煙者  
人而已

卒惟舊將是聽非惟不當問亦不必問也

笠翁曰以予觀之此必太尉與諸將定計于先約以  
左祖為號故於臨時發令以齊士卒之心耳豈有為  
此驚天動地之事胸中一無所主而漫然以此語  
試者乎古人已死隨後人駭駭而不能辨要當有以  
服其心凡吾所喜皆求所以服其心也其所以必為  
此語而不肯筆而用之者欲使滿朝之人知其出於  
一念之忠非有陰謀秘計也軍中之不約而同者亦  
是為忠憤所激也非即為不從也



王望如評大爲周將軍吐氣翻盡從來成案子諸呂無能爲自陸生爲孺子交歡時已定焉惜子瞻論樊噲曰使其生存必黨呂氏豈豪傑如噲而利出祿侯下哉

論陳平不對決獄錢穀之問

文帝問左丞相周勃曰。天下一歲決獄幾何。勃謝不知。又問一歲錢穀出入幾何。勃又謝不知。惶愧汗出浹背。上問左丞相陳平。平曰。有主者陛下問決獄。責廷尉。問錢穀。責治粟內史。上曰。君所主者何事。平曰。宰相上佐天子理陰陽。順四時下遂萬物之宜。外鎮撫四夷諸侯。內親百姓。使卿大夫各

得任其職焉帝稱善絳侯

勃封絳侯

自知其能不如平

乃謝病請歸相印上許之平專爲丞相

笠翁曰陳平不對決獄錢穀之問其事與周勃同情  
總由平日未嘗經理卒然問及不能卽舉其數但不  
有飾非之智勃無口給之能敢覺彼善于此掩過一  
時之耳目非勃才果出平下當以相任獨歸之也夫  
庶吏董天下之事宰相總庶吏之成文帝問曰一歲  
決獄幾何錢穀出入幾何不問節日而問大綱正所  
謂總其成也知而舉之不過兩言而盡有何難對耶



不屑對之有哉。若此。則錢穀出入幾何。  
欲其條分而縷晰之。如此冗屑之事。誠非宰相所  
宜。如今以總目叩大臣。猶之覓鎖鑰于家。督訪繩墨  
于工師。未有不隨取隨應。而問隨答者。豈得曰大匠  
恥親繩墨之事。紀綱不在鎖鑰之繁。若其問諸若輩。  
乎惜。庸何也。死。備。傾。問者無人。設此時猶居相位而  
躬承是問。吾知其必能應對如流。不爽毫髮。何以知  
之。因其西入咸陽時。早已收藏圖籍。留心經世之務。  
不似諸君爭取財物。置天下大計于不問。至此將一

詰而落然也。高帝臨終謂呂后曰：陳平智有餘，然難  
獨任。周勃厚重少文，然安劉氏者必勃也。吾子不對  
夾獄錢穀一事，驗高帝有知人之明。平之巧辨飾非，  
若出至理，此其智有餘也。勃兩謝不知汗流浹背，此  
外不復強措一詞，又復旋歸相印，此其厚重少文處  
也。智有餘而難獨任者，慮人主不辨真偽，墮其術中，  
正須一厚重少文者佐之，爲大牙相錯之勢耳。文帝  
不察，卒爲所欺，不可謂非至明之一累也。噫！後世論  
此者，皆謂陳平能識大體，可謂相臣之法，是千古讀



書之人盡隨循中而不之覺。是故一漢文  
帝而已哉。

笠翁又曰：陳平不對夾獄錢獄之問，論者皆謂能持  
大體。所謂能持大體者，以大臣不當親細務也。若是  
則文帝之問爲失言。後世之人皆當學起而議之矣。  
何也？宰相尊于百僚，天子又復尊于宰相。以宰相  
屑對之事而爲天子者，屑屑焉問之不幾降帝王之  
尊而下同百執事乎？開千萬世堂高簾遠之門，而  
下情不能上達者，必此言也。予謂文帝此問爲漢家

數百年氣運所關國祚之久長生民之樂育海內之  
殷富無一不基于此人但未之察耳間決獄者重民  
命也問錢穀出入者惜民力也文帝賦性慈祥立心  
恭儉當冲齡嗣位之日卽有此問蓋慮有司用刑之  
濫以致失入者多國家費用之繁以致聚斂者衆故  
欲悉知其數以戒不祥之刑省無益之費耳他日除  
肉刑除收拏連坐之法惜百金之費而罷作露臺  
賜田租之半又遂除之皆由此一念推之也爲宰  
者正當因其勢而利導之由決獄之間而勸之省刑



者一大機會哉而乃以謗誕之詞掩其疎畧之過幸  
文帝天資克實若草木之怒生不爲外物所阻始終  
得遂其仁心萬一惑于陳平之言謂此等碎務宰相  
不屑道而我道之乎從此好大喜功馳高騫遠則今  
日之文帝且爲他日之武帝矣三代成康之化何由  
復見于文景之世哉甚矣盜嫂受金之人止可與之  
平禍亂不可與之定太平也

吉順也評陳平不對史獄錢穀之數丙吉不問鬪  
死而問牛喘人皆以爲得體吉嘗因名問能具對

寇所入郡吏見謂憂邊思職而御史大夫遽不能  
詳知以得譴讓竊謂吉此事可與平勃反照吉當  
道遇羣鬪自不應侵官平承人主之清問豈可禦  
人口給笠翁此論足令曲逆俯首且原拙誠而誅  
巧僞大有裨于臣箴然吉不問羣鬪則是其問牛  
喘終類迂濶吾輩不可為古人購過  
江北海評曲逆生平所為殊不快人意居家益嫂  
始事高帝即及諸將金至于六出奇謀非平之殊  
勲適足以張其醜耳躡足附耳能令漢王封信亦  
能令漢王殺信又能令漢王疑諸將皆信而殺諸  
將一如殺信至惡草間金遺關氏更鄙穢不足道  
矣史又稱六計俱在馬邑下其事秘不傳夫以天  
子親總六師誅叛討亂其區畫之計何事不可對  
人言乃為從臣所不敢述而國乘所不敢載此其  
傷威損重又何如哉今不對決獄錢穀又為  
笠翁觀破則歸于無人止善分肉而已矣

論袁盎卻坐



夫不舒評  
蓋以數  
直諫不得  
久居中出  
為觀西尉  
後卒以言  
死雖極着  
極處猶

文帝所幸慎夫人常與皇后同席坐及幸上林帝  
席益引卻慎夫人坐夫人怒上亦怒益因前說曰  
臣聞尊卑有序則上下和今已立后夫人乃與  
主豈可與同坐哉且陛下獨不見人簪乎上說  
夫人賜益金五十斤

笠翁曰袁盎卻席一事千古人臣快舉後世讀史者  
至此儼若聞其叱咤之聲睹其正色之狀其所恃以  
無恐者全在末後一語人彘之禍近在目前有不聞  
而骨竦者乎惟其理直故氣壯耳由此觀之人臣

有受辱之  
思其痛將  
不着徒取  
厭倦者又  
當何如

有幾分位不過處有袁盎卻席之義理不怕沒有袁  
盎卻席之神情之詞色有袁盎卻席之神情之詞色  
不怕君上不改容謝之人以諫君之事比之批龍鱗  
蹈虎尾言其險也予謂批鱗蹈尾亦自有法非批着  
其極癢處即蹈着其極痛處批着極癢處則喜而不  
怒蹈着極痛處則畏而不敢怒也

笠翁又曰人謂文帝之諫臣當以盎為第一予曰盎  
非文帝之諫臣乃文帝之功臣也人毓一語寒文帝



溺愛之心奪慎夫人特寵之魄亦可以消皇后宿怨  
之萌終其世無閹門之患者袁盎一言之力也使高  
帝寵戚夫人時平勃諸人稍能正以義理休以利害  
則高帝知呂后之難制必不擅萌易嗣之心而啓他  
日無窮之禍矣以此相形則知袁盎之功尚在平勃  
諸人之上以平勃諸人乃焦頭爛額之客而盎爲曲  
突徙薪之人也

張秋紹評樊噲諫高祖曰陛下獨不見趙高乎袁  
盎諫文帝曰陛下獨不見人彘乎正同一理也二  
事爲云帝所親見故其言皆入若泛陳空論則  
聞之有自書欲寐者矣笠翁論諫法以所見之理

義爲主原就目前利害  
說勿認作宋儒道學語

論賈山至言

賈山上書言治亂之道借秦爲喻名曰至言上嘉  
納自是凡遇上書卽止輦受之先儒謂孝文恭儉  
慈仁而賈山乃借秦爲喻盛言其侈靡貪狼暴虐  
宜苦過矣然君臣警戒正在無虞之時故舜之臣  
猶以丹朱戒其君則山之借秦不爲過也但其來  
復開要遊一路則非所謂陳善閉邪矣此所以不  
得爲醇儒



亦復近是

笠翁曰。世上求直者。極諫當時上書。亦其  
太直。諫必務其至極。賈山借秦為喻。非果有欲滅無  
廢之心。乃認題太真。直與極二字誤之也。上國侈  
宴遊一路。亦非無意。蓋恐前幅語過於直。意近於  
文帝。棄而不錄。故於末幅極力挽回。令人無怒為喜。  
此後世取功名之秘訣。不意漢文之時已先有行之  
者矣。雖然。此非正論也。以小人之心度君子之腹。  
謂前戲之耳。

論文帝勞軍細柳

臣新刊集卷之九

四三

芥子園

匈奴入寇帝自至霸上禮將兵次霸上徐騎將  
兵次棘門周亞夫將細柳帝至霸上棘門直  
馳入將以下騎迎送已而之細柳軍士吏被甲銳  
兵刃設營持滿天子先驅不得入先驅曰天子且  
至軍門都尉曰將軍令曰軍中聞將軍令不聞天  
子詔上至又不得入上使使持節詔將軍曰吾欲入  
營勞軍亞夫乃傳言開壁門壁門士請車騎曰將  
軍約軍中不得馳驅天子乃按轡徐行至營亞夫  
持兵揖曰介冑之士不拜請以軍禮見天子改容




式車使人。帝微勞將軍。成禮而去。羣臣皆  
驚。上曰。此其將軍矣。曩者。衛上棘門軍。若以戲。爾  
其將固可襲而虜也。至于亞夫。可得而犯邪。

管翁曰。史載細柳勞軍一事。非美亞夫威令之嚴。蓋  
嘉文帝量宏識別。能容他人之所不能容。取凡主之  
所必不取也。後世不察。以贊君之事。而歸美于臣。引  
爲後世行兵之法。動謂將在軍中。君命亦可不受。古  
之人有行之者。亞夫是也。噫。謬矣。予謂亞夫所行。實  
取死之道。其幸而不死者。以所事得其人也。使易孝。

文爲前之高祖後之景帝。未有不以形迹相疑。非縛而載之後車。卽早以他事召詣廷尉。必不留此鞅鞅者。爲少主臣矣。夫所謂軍中聞將軍令。不聞天子詔者。以天子遠在京師。真僞一時莫辨。未必其詔之果出于天子否也。豈有乘輿旣至咫尺天顏。而不受其詔令者乎。軍中多設間諜。所以偵遠近之事。而聞于將帥。以便預爲計也。豈有天子自出勞軍。已過霸上棘門而絕無一騎往探。旣至壁門。猶不知爲天子。而令軍士被甲銳刃。鼓弩持滿以待之者乎。幸而驟抵









壁門者爲天子之軍。獨萬一敵騎猝至。能謀無人。其能以被甲銳刃殺之。滿之軍士。論以將令。使不得擅入壁門乎。所謂軍士不得馳驅者。爲武士言之也。天子勞軍。不同畋獵。自能按轡徐行。又何必申言其令乎。介冑之士。不拜禮也。然既見天子執兵。欲何爲乎。事事乖張。無一非殺身之道。其不見敗于文帝者。幸也。然而文帝之在當日。宜賞其軍。今之肅而責其偵諜之疎。則功過不掩。而使後世武臣知所取法。奈何。獨一時之喜悅。而失千百世君臣殿陛之防。豈禮

也哉。昔高祖至修武，自稱漢使者，入張耳、韓信壁而奪之軍。至定陶，又馳入韓信壁而奪之軍。使信耳盡如亞夫爲身計者，則得矣。其如高帝之失筭何哉？不能如文帝之無他也。吾謂將帥之于天子，須天子有令，欲自觀軍容，不拘常格，始可以亞夫待文帝之法待之。如其不然，則當以霸上棘門爲正，而不當取法于細柳。細柳之事，古今不可無一，不可有二。踵其轍者，未有不自禍其身而悔爲前人所誤者也。

笠翁又曰：此必亞夫有意爲之，或因帝入劉、徐二壁。



九其間政不肅防禦多疎微有訶責之意故于此特  
示威嚴欲矯諸王棘門之失耳果出于此猶不失為  
存君畏法世固有有心之罪而反勝于無心者此顯  
是也文帝賞之格外固稱得體然不知尊之適以驕  
之驕之適以害之耳臣夫不達時變謂後代人在  
盡如文帝可以細柳勞軍之法待之見景帝禮遇諸  
陳轅有鞅鞅之色此下獄殞身之禍所由來也使文  
帝在當日稍示駕馭之方使知人君之喜怒不可違  
測則他日察言觀色必知所以自處矣豈至賜食不

設著猶未能見機而作。不至殺身亡宗而不已邪。由是觀之。凡爲人君而欲厚待其臣者。亦當計其後來爲之稍留餘地可耳。

陳直三許孫武殺吳王寵姬。穰苴斬景公貴臣。皆借主上以行其威令。術也。非法也。亞夫斬舉亦是效。聖於此。聖翁方破其術。而欲天下以誠爲千百世武臣說法。功德不淺。知此必無烏盡弓藏之歎。

論李廣程不識將兵

漢武帝時李廣行軍無部伍行陳。人人自便。不擊刁斗。白晝不常遇害。程不識整部曲行伍。營陳擊刁斗。軍不得休息。亦未嘗遇害。然士卒多樂從廣。



而苦於不識

笠翁曰唐郭子儀以寬治軍卒光弼以嚴士卒亦樂  
子儀而憚光弼可見軍無常法上有恒情則待士卒  
固宜尚寬而行兵發令則非嚴不可能以李廣郭子  
儀之法行于偃旗息鼓之日以程不識李光弼之法  
行于褻糴秣馬之時則寬嚴兩得之矣然言之易而  
行之甚難不若取法于嚴之爲得也

論汲黯不拜大將軍

衛青既拜大將軍公卿以下皆軍奉之獨汲黯與

亢禮或說黥曰大將軍尊重君不可不拜黥曰使  
大將軍有揖客反不重邪大將軍聞愈賢黥數請  
問國家朝廷所疑遇黥加于平日

言順也評

任賢勿貳

伯能以此

戒雖惟

其難之矣

因人重

亦因人輕

黥武帝機

括自好

竟是英士

所以後來

托孤得人

豈翁曰汲黯不拜衛青為千古儒臣培養氣節誠快  
舉也然此事之難不在黯不拜青而在青不定責其  
拜且愈賢之此武人僅見之事其賢加黯一等不特  
可以媲美西京也青之為此非止于禮賢下士以示  
識量之宏蓋欲隱諷朝廷使知羣臣之可敬者無出  
黯下大將軍無所用之尚能加以異數况天子躬受



若魏王  
不固公叔  
之言則  
亦不固公  
叔之言發  
執絕無痛  
癢且奪之  
何

其益而視為股肱心膂者乎。觀其數請問國家朝廷  
所疑則此段忠君愛國之心不割而自明矣。再觀他  
日武帝臨崩見霍光不冠見公孫弘而獨于汲黯一  
人不冠不見則其以身先之之效又不表而自見矣。  
予嘗謂武帝非真能重黯蓋因人之重而重之者也。  
莊助言其陷之不來歷之不去遂即辭請和而以社  
稷臣相許淮南王反謂漢廷大臣獨汲黯好直諫守  
節死義難惑以非未幾即曰吾久不聞汲黯之言又  
復妄發矣。跡是觀之其不冠不見由于大將軍也。明

矣。能因人之重而重之者，亦能因人之輕而輕之。此  
淮陽之遣公孫弘，不勞餘力而能使帝出諸千里之  
外也。

張秋紹評：以身重士而使人主重之，是薦賢苦心。  
亦是薦賢妙法。且所以尊主權，避黨患也。衛仲卿  
而後，惟郭汾陽得此意，乃為笠翁觀破。快絕千古。  
史謂青不能有所薦達者，淺之乎？視青矣。大臣作  
用妙在薦人而使人終身不自知其人，既不自知，  
史官又烏得而知之？無怪乎有不能薦達之目也。  
汪北海評：滕有以不屈為善者，叔向之不謝樂王  
鮒，王太尉之長揖司馬昭，陶靖節之不折腰向鄉  
里小兒，是也。滕有以能屈為善者，張子房之進履  
圯橋，廣平王之頓首，葉護田節度之遙瞻，郭令公  
是也。滕又有以忘屈為善者，孔光之道謝，董賢滿  
質王，溥之降，增宋，蔡祖許及之之泣，訴韓侂冑，是



也。以竺翁論長景而並及之。以作其屬者之自擇云。

論武帝以汲黯為淮陽太守。宣帝以蕭望之為

### 平原太守

初汲黯之出守也。謂李息曰。黯棄逐於朝。不得與朝廷議矣。然陽蒙恩。以御史心。更以為威重。公不早言。與之俱受戮矣。息不敢言。及汲黯上抵息罪。使黯以諸侯相秩居淮陽十歲而卒。宣帝以蕭望之為平原太守。望之上疏曰。陛下哀憫百姓。恐德化之不究。悉出諫官以補郡吏。朝無諍臣。

則不知過所謂憂其末而忘其本也。上乃徵八守

少府。

任北海評  
宣武孝宣

笠翁曰：以諫臣外補兩君之失相同。至于宣帝能召

用之者其

而武帝不能召，則似彼善于此矣。然名之不能大用

大用之者

使守少府，少府掌稅之官也。此豈諫官宜居之位哉？

以諫之而

且原其名還之意，以覽望之之疏，有憂其末而忘其

之以其

本一語，故悔悟而名之也。然則望之之所謂本者，僅

也宣武人

區區錢穀之謂歟？與其收山澤陂池之稅而不能言

若勝孝武

其所欲為，又不若為人民社稷之主而得行其所欲



破被蓋翁觀

言矣故立國之曰名之而不能用不如不召之為全也

論東方朔諫內黃偃置酒宣室

上嘗置酒寶太主家

館陶公主是所幸賣珠兒董

偃上使侍飲常從遊戲馳逐相與角狗馬士大

歡樂之因為主置酒宣室使講者引內偃中郎東

方朔辟戟而前曰偃有斬罪三安得入乎上曰何

也朔曰以人臣私侍公主一也敗男女之化亂婚

姻之禮傷王制二也陛下富于春秋方積思于六

經而假以靡麗奢侈極耳目之欲乃國家之大賊  
人主之大蠹三也上默然良久曰吾業已設飲後  
而自改朔曰不可夫宣室者先帝之正處也非法  
度之正不得入焉淫亂之漸其變為篡上曰善詔  
更置酒北宮引假從東司馬門入賜朔黃金三十  
斤假寵由是日衰

吉順也評  
曼倩請衛

董偃樂樂  
有生氣而

孔光依附  
董賢其狀

筮翁曰人謂武帝名臣皆首推董仲汲顯子謂東方  
朔立朝風采不在一臣下更氏不察乃以滑稽輕之  
與偃孟諸人並而究其數重偃之罪不令入宣室



其誰能稽誰大信  
加史能悉著其寔却  
不正其名或寓微意  
也非史所也得益翁  
快筆發揚之太初行  
贊何以過此

者非愛景帝之正處愛武帝之後宮也非怪其私作  
公主怪其因公主而出入禁幃將有私不忍諫史不  
勝書之事也偃之私于公主武帝豈不知之知之而  
故令侍飲使姦夫淫婦並坐于前而莫之恥其視  
籌洗兒之穢習相去寧有幾乎使于此時不加極諫  
則由宣室而內宮由內宮而卧側何一非其所至之  
處能保漢之武帝不爲唐之申宗元宗乎此朝廷榮  
辱之大關宗社安危之至計也盈廷結舌而朝以一  
人爭之爭之而卒能使其不入偃寵遂由是日衰比

之一正君而國定者何多。讓焉。諸如諫起上林苑及  
述孝文恭儉以諷。洛侈至死。猶覩上無信讒言。由是  
觀之。朔乃一代之評臣。其品行不在汲黯下。可知矣。  
至其上書之始。用三千奏牘。兩人共持舉。始勝其任。  
武帝讀之。二月始盡。乃拜爲郎。建章宮中出異獸。帝  
問羣臣習事通經術者。皆莫能知。召朝問之。始知爲  
騶牙。當有遠方歸義之驗。其後。渾邪王果將十萬衆  
來降。由是觀之。朔又一代之通儒。其學術不在董仲  
舒下。可知矣。乃上之。不特高儼于董。汲卽等而下之。



亦不獲與經軍故...如輩前肩齊...  
名曰滑稽傳于...使倭幸之後吾不知朔與...  
雖然而遂遭其...此也是非千古不決之...  
雖然有強項不...之...即當有正色不撓之滑稽...  
比。例。而。推。之。則。人。之。...其。不。可。易。矣。且。以。太。史。公。論...  
定。之。人。孰。敢。移。易。其。...次。楊。雄。班。固。猶。且。因。之。而。李...  
子。何。人。欲。矯。其。失。亦。多。見。其。不。知。量。耳。

陳植三許溫...以...諷諫名臣可謂有識...  
不若笠翁此論...以...諷諫子之又進諷諫...  
予謂笠翁諸論溫...其快而無其...  
陵有其倚而無其確或當以予為知言

論周勃霍光優劣

漢高帝病篤。語呂后曰。相國死。曹參可代。王陵少  
戇。陳平可佐之。平雖智有餘。然難獨任。周勃重厚。  
少文。安劉氏者。必勃也。帝崩。呂后聽政。朝政兵權。  
率歸諸呂。及后崩。諸呂欲爲亂。酈寄說呂祿以兵。  
屬勃。勃下左袒之令。率北軍盡斬諸呂。迎代王卽  
皇帝位。武帝欲立皇子弗陵。弗陵幼。帝思霍光可  
任大事。乃盡削八負。成王國。賜光少子。馬。諭以  
圖之意。使佐幼主。帝崩。光輔幼主。



想聞其風采及前帝崩無嗣光奉太后命迎昌邑王嗣位王縱恣無所忌憚之以問田延年延年勸光建白太后更選賢者立之光問古嘗有此事否延年引伊尹廢太甲事以証光乃白后后召王脫其璽組送至昌邑迎王會諸卿置帝位後光夫人謀立其女爲后會許后崩轍使女醫投毒死光知大驚終不忍舉發女果立后及光死上聞霍氏毒殺許后乃收諸霍印諸霍有逆謀上族之先儒謂霍光不學無術謂不能審昌邑之爲人卒然立之

致後有廢立之事責其無知人之明也

笠翁曰周勃霍光二人皆漢之功臣亦皆漢之罪人

也觀高帝安劉必勃一語及武帝蓋周公負成王圖

賜光皆是以國士遇其臣矣而勃光二人不能以國

士報其君勃懲信越韓信之死一昧阿意取容使王

陵之諫不行漢室幾遷于諸呂左祖一舉雖能晚蓋

其愆然皆屬之天意非人力也何則漢祚存亡之關

係于呂祿之兵權解與不解祿從酈寄之說輒以兵

權屬勃此千古以來最不可解之事也諸呂之存亡

至望如拜

縱使勃阿

意取容究

無執逆大

罪光無伊

尹之望而

糾伊尹之

功遭周公

之變不能

行周公之

事滅及三

族國安而

家危較之

周勃雖呂

扶漢又能

自全其後



亦係于臣節之末。而不大知人。孫子。皆能知之。而一  
旦解以授人。豈非高帝之誤乎。使酈寄之說。亦如王  
陵之諫。不行。而然。則當年無一人不有其罪矣。周  
勃雖有安劉之功。烏足以贖危劉之罪哉。先儒之論  
霍光。皆惜其不學。無術。予謂光雖不學。猶能用人之  
學。如聽田延年論。伊尹事。轍廢貨立。宜是也。獨是縱  
妻毒后。欲貴其女。而不發其奸。此所謂大關節。日出  
于良知良能。不待學而知其爲非者也。奈何舍其不  
待學之大端。而責以未嘗學之小過哉。春秋不討賊。

卽謂之弑所謂不討者猶爲他人而言也豈有亂臣  
賊子伏于牀第衽席之間出于屬毛離裏之輩聽其  
肆逆而莫之禁猶得耻于人臣之列哉雖有擁昭立  
宣之功不足以蓋弑后欺君之罪吾故曰二人皆漢  
之功臣亦皆漢之罪人也

廣霞君評余嘗謂霍光之心與曹操無異廢立之  
事自光作俑而歡劉裕之輩皆以光爲口實若霍  
顯使淳于衍弑許后光知之伴爲大驚欲自發  
舉不忍猶錄此與顯之弑殺伏后有何分別人臣  
無將光豈所稱社稷臣耶光真莽陳之流非絳  
灌之比也讀翁此論實獲我心狂叫欲絕



帝令大將軍衛青驃騎將軍霍去病各將五萬騎  
擊匈奴李廣公孫賀趙食其曹襄皆領十萬所出  
塞皆欲令廣軍并力食其廣自請曰臣結髮與匈  
奴戰今乃一得當單于願居前死青陰受上誡  
以為廣老數奇毋令當單于不聽廣不謝起行青  
發輕騎夜追單于捕斬萬九千級廣軍失道後期  
青使長史急責廣之幕府對簿廣曰廣年六十矣  
終不能復對刀筆之吏遂自縊

與李舒評  
李廣不侯

笠翁曰武帝陰誡衛青謂廣老數奇毋令當單于而

李廣不侯

卷之九

七

李廣不侯

廣果以失道後期不督對簿而自頸豈非成敗有命  
而武帝數奇之言為不謬乎曰不然廣之死非死于  
數乃死于武帝誠青之一言蓋君相有造命之權數  
奇二字不當出于帝王之口也即使廣數果奇而為  
天子者能以優詔獎之威權授之不慮造化之權不  
為我奪奈何以兵凶戰危之事未經發輟先以數奇  
二字奪英雄之氣而惑將士之心乎且既知數奇即  
不當使之遠從征伐使之遠從征伐又誠曰毋令當  
單于將欲其束手待斃于鋒鏑之下乎抑冀其微待

翁孰與平  
反之其矣



可少也  
文人之下  
平古

成功于欲笑之間乎使果束手以待斃則帝與臣  
如其欲待成功也則廣之數為不奇矣青欲其死  
于食其又不從得當單于之謂及其失道後則  
之幕府對簿者蓋始終為數計一字橫亘于中既  
其不驗又慮其果驗止恨軍中多此一人必欲死之  
而後快也廣之命其能旦夕延乎然猶幸其不死于  
單于不死于刀筆吏而死于白頭猶不失英雄本色  
是廣之數猶未盡奇即謂武帝之言為不驗也不  
第翁又曰前人皆以不侯故由李廣之數奇以予

卷之九

七

李廣

之蓋武帝謬執數奇之見。謂此薄命漢不足當吾封  
賞耳。不然豈廣威行塞外。能得飛將軍之號乎。匈奴  
不能得封侯之賞于本國乎。若是則天子爵人于朝  
皆當令衛士推其五行。可則予之。否則奪之。而才德  
勲猷皆可置之不論矣。後世之帝王亦有謂薄福之  
人不可與其功名。必相其魁梧奇偉而後用之者。然  
擇而後用。非用而後擇。擇將用此法。吾猶慮其以貌  
取人。失之子羽。矧下于此者乎。甚矣武帝之言不可  
爲訓于後世也。



論宣帝置廷尉平而鄭昌勸定律令

宣帝詔曰問者更用法巧文定獄使不辜蒙獄者  
甚傷之其為置廷尉平謂名臣曰大百有員四  
人其務平之以稱朕意太守鄭昌上疏言不若剛  
定律令律令一定愚民知所避處吏無所失矣今  
不正其本而置廷平以理其末政衰聽怠則將伯  
權而為亂首矣

鄭昌  
此鄭昌以

登翁曰立一法即生一弊法者弊之所從始也宣帝  
置廷尉平意在慎獄鄭昌曰政衰聽怠則將伯權而

刑之重  
亦不  
大  
好  
刑之  
後  
之非者

為亂首此格言也不特明于理而達于務亦且有源  
有委切中病根何也高祖入關之始已經約法三章  
漢法已定于此矣法定之後非有大害無事紛更  
但宜慎其出入使無枉無縱而已乃至天下既定又  
令蕭何作律九章變三為九是繩民之法已三變于  
前矣小民尚堪其命乎此無端變法之過也文帝是  
明之主不事更張止除收孥連坐之法此即郡邑  
定律令之由也使廷尉平可設則文帝已設之  
不設廷尉平而止除收孥連坐之法則此



宜擴克其意。取當除未除者而刪定之。不合創法立  
官可知矣。鑒蕭何立法之弊。而祖文皇帝省罰之利。故  
爲是折衷之。讀漢書者。不得僅美其才而不求其  
精意之所在也。

論龔遂治渤海

上以渤海多盜。命遂鎮之。遂曰。民困饑寒。故弄兵  
干潢池耳。治亂民。猶治亂繩。不可急也。乃單車至  
府。悉罷捕盜令。但以執田器爲良民。令民賣劍買  
牛。賣刀買犢。而盜悉解。

笠翁曰治亂民猶治亂繩不可急而可緩此千古來  
第一句話非龔渤海不能言之予謂此法不止于治  
亂民凡遇倉皇急遽之事皆當以此法鎮之非不欲  
急急之適足以壞之耳裴晉公失印亦用此法天下  
之事孰有急于失印者乎然急則投諸水火緩則復  
還故處凡急事之當緩可槩見矣然遇天下緩事又  
當急治此卽兵家虛實之法惟善悟者始能以例推  
之

余澹心評急事當緩緩事當急八字妙訣守而勿  
失謝安石南樓諸野以破符堅此急事當緩也楊



公反旗息鼓以除  
延此緩事常急也

論汲長孺矯制開倉粟為奉世矯制破莎車

漢武帝時河東失火上使汲黯視之黯復命曰家  
人失火不足憂也臣過河南見貧人傷水旱萬餘  
家臣謹持節發倉以賑請伏矯制之罪上益賢之  
馮奉世以衛候使持節送諸國客會莎車王弟自  
立為王叛漢奉世遂以節發諸國兵擊斬之上甚  
悅議封奉世蕭望之曰奉世矯制發兵要功萬里  
之外為國家生事漸不可長上善之先儒曰汲長

孺。矯。制。開。倉。而。綱。目。怨。之。重。民。命。也。馮。奉。世。矯。制。破。莎。車。而。綱。目。罪。之。抑。邊。功。也。

笠翁曰。岳武穆遺恨千古。又在不肯矯制。未必非鑒馮奉世之失也。予謂奉世之失。失在持節送客。原無兵權。而忽以修文者。變爲講武。與盜弄潢池之兵者。何異。故綱目罪之。若曰止抑邊功。則開後世見義不爲之漸矣。

笠翁又曰。奉世之邊功。原有可抑處。以其權對域之外。而又未嘗謀動干戈以入寇也。大凡矯制之事。須



出于萬不得已。卽不似。亦何暇乎中國而敢爲此。勉強出頭之事哉。若夫門庭之寇。其勢迫于水火。以我之作。繫天下之安危。宗社之得失者。又當何論。自不得以經而滅權。引常而例變矣。使岳武穆之在當年。但知汲汲孺之可師。不知焉。本世之可鑒。其破莎車者。侈。破金吾。知綱目。斷不罪之何也。朱子學孔孟者也。閉戶于鄉鄰之闕。而纓冠于同室之爭。孟氏嘗言之矣。未聞嫂溺不救。必待告于父母。謀之師傅。而後以手援之也。然武穆之不肯矯制。亦非

鑒。奉。世。之。失。知。其。功。之。必。不。成。耳。秦。檜。能。矯。班。師。之。  
詔。獨。不。能。矯。問。罪。之。詔。乎。設。又。以。金。牌。十。二。調。他。鎮。  
之。勁。兵。以。問。我。矯。制。不。臣。之。罪。則。將。何。以。應。之。吾。知。  
金。人。未。滅。而。滅。金。人。者。終。有。不。能。不。滅。之。勢。矣。與。其。  
爲。不。必。有。之。患。臣。反。不。若。爲。莫。須。有。之。奸。臣。猶。可。以。  
見。諒。于。後。世。耳。善。哉。耶。馬。書。生。之。言。反。爲。千。古。不。易。  
之。定。論。也。

黃石公評春秋之義。大抵通事然出境則便宜。  
可行。黷之先。賊後告。其罪乃謂綱目恕之。  
重民命。誠至論也。若夫用兵勦發。良家子胡兵。  
重武事。則必輕用其民。不然。沙車。遮殺。漢使。罪有。



甚于到文康居獨太世後功有加于陳湯延壽考亭豈不藉劉向谷永及杜欽之訟言即則知邊功亦所以重民命也。不第制虞信諸武穆以立千萬世人臣之何。立翁翁附。不止言

論漢宣在位十二年始修代來之功者文即位

歷三時始修代來之功

初文帝為代王諸呂既誅大臣迎之即位上疑生

昌勸之乃行後歷三時乃修代來功封昌壯武侯

霍光既白太后廢昌邑王乃奉詔迎昌昌病已

立之是為宣帝初病已生數月坐車駕車在獄內

吉哀其無辜乳養之或告獄中有天子氣詔盡殺

之病已賴吉以全。上旣立丙吉，絕口不及前事。會宮婢自陳阿保之功，因及吉。上乃問吉，吉終不言。上大賢之，始賞保護功，封吉等爲列侯。

笠翁曰：孝文之立，太尉諸人實始其謀。宋昌從旁勸駕，不過一夾，疑辨惑之人耳。歷三時而受封，人以爲遲。吾尚以爲早也。至于孝宣之繫獄丙吉，令擇謹厚女徒乳養，則其幼穉無識可知。吉雖有閉門拒使，不肯盡殺之功，彼烏得而知之？及其長也，霍氏一門專功于外，光女爭寵于內，方壽后謀立之不暇，尚有人



以。併。護。一。切。令。之。而。議。丙。者。哉。造。霍。氏。既。族。之。後。始。  
有。官。婢。之。罪。其。然。卒。宜。知。之。封。賞。族。及。罪。十。二。年。猶。  
一。日。從。古。史。者。得。以。時。日。久。遠。之。故。遂。廢。古。情。之。  
論。哉。雖。然。歷。十。二。年。之。久。封。賞。未。及。而。能。絕。口。不。道。  
前。恩。可。謂。純。臣。也。已。即。謂。孝。宣。有。心。試。之。亦。未。嘗。不。  
可。

汪北海評宋昌之勸駕文帝之所知也。知之所遲。  
其賞是不以得位為幸而以祖宗之名器為足惜。  
也。丙吉之為丞相帝之所不知也。一知而封賞旋。  
及。是。不。肯。過。酬。恩。之。小。嫌。而。祿。長。石。之。大。德。也。歷。  
三。時。尚。以。為。早。雖。十。二。年。猶。  
日。二。帝。有。心。試。若。將。見。之。

論張安世辭祿

宣帝時。張安世以父子封侯。權位太盛。乃辭祿。安世謹慎周密。每定大政。已決。輒移病出。聞有詔。令乃驚。使吏之丞相府問焉。朝廷大臣莫知其與議也。嘗有所薦。其人來謝。安世大恨。以爲舉賢達能。豈有私謝耶。絕弗與通。先儒曰。張安世匿名迹。遠權勢。定大政。而不敢專。薦人才。而不敢擅。可謂漢之賢臣矣。

王都哉評  
笠翁天性

笠翁曰。安世所行者。皆人臣分內事。而史之所載。人



一燕一詠  
寄托遙  
深此筆論  
固可謂  
幸勿作聖  
人不死大  
盜不止解  
也

之所述者若以奇能異行曰之可怪也豈非以過  
歸君善則歸已者衆而道覺反此者為異邪其矣忠  
臣孝子之名得以傳于天下者皆由世道之衰也  
王望如評安世與光皆謹飭大臣而安世獨以功  
名終者不戀戀於權位耳彼霍將軍者當孝宜蓋  
政初奉身以退又安有壽后一事惟夷族之慘哉  
易曰知幾其神然則光與安世成敗在學與不學  
明矣

### 論二疏請老

宣帝時太子太傅疏廣謂少傅疏受曰吾聞知足  
不辱知止不殆今仕至二千石宦成名立如此不

北山評

余嘗笑

監之乞

湖已足

八十之

老翁何

以爲

而千

稱之

疏亦猶

耳

去懼有後悔即日俱移病上疏乞骸骨皆許之

笠翁曰二疏請老亦是居官分內事從古以來原無

老死于官不准乞骸之法入自不肯行耳二疏偶然

行之後世輒以爲異非以急流勇退羨其高即以暇

若無能獎其智果如是是必待有罪之日始可休官

無故而去即爲超羣軼倫之事乎此皆妄世不情之

論也其可怪者林下何曾見一人而此際同時請老

者忽然有二此則近代創聞之事也論者藉藉其爲

是歟



易知云云。其所以。王望如。人。是。韓。伯。千。百。載。詩。人。之。高。島。究。何。益。其。孰。失。則。二。疏。之。請。正。本。可。還。非。也。

論二疏不以財累子孫

疏廣疏受既歸鄉里。日置酒請族人。故傳有勸唐。為子孫立產者。廣曰。賢而多才。則損其智。愚而多財。則益其過。且富者衆之怨也。吾既無以教。使子孫不欲益其過而生怨。

張仲謀評

此論其理

猶知章重

老而欲見

鑑湖之利

則疏之

散財是差

勝耳

卷之九

二

藏板

董翁曰二疏之所難不在請老而在不以財累子孫  
 蓋既曰請老必非年富力強之時人當日暮途窮盡  
 有投棲望宿之念若自己功名告止正欲以富貴望  
 其子孫貴則有待于天其富與不富則為祖為父者  
 可以操其權也孔子曰及其老也戒之在得正慮其  
 為子孫謀耳二疏不為後代作馬牛且欲為之去累  
 此則千古一人以其看得透而又做得出耳然而統  
 禡之子多有不能振拔者皆以驕奢淫慾故慮其驕  
 奢而子以寒儉則人人自奮而為致身立名之事矣



吾謂二疏之散出非果欲去累乃真能以當世望之  
孫者也

注北齊書不以財累子孫仁也蓋翁許之曰不  
透做得出大有得透智也做得出勇也二疏一舉  
而三德備焉  
翁其知之矣

### 論京房考功課吏法

京房學易于焦延壽用之尤精上疏屢言災異有  
驗元帝說之房言古帝王以功舉賢則萬化成瑞  
應著末世以毀譽取人故功業廢而致災異宜令  
百官各試其功災異可息詔使房作其事房奏考

功課吏法公卿朝臣皆以房言煩碎令上下相司  
不可許上意鄉之時石顯專權房勸上去顯顯嫉  
房欲遠之建言以房爲魏郡太守得以考功法治  
郡房去月餘竟徵下獄論者曰京房事元帝纔得  
爲郎卽陳考功法又欲去上所親信而不量元帝  
之庸懦可謂交淺而言深雖乎免于漢元之世矣  
又曰房學易不明其道徒以災變占候爲事此易  
之末耳惟明乎消息盈虛之理語默進退之義以  
不失乎時中則易之道也



以爲之吏無如法  
以是尉治  
吏無生法  
君明以觀  
郡太守而  
竟寒浦水  
之異其舊  
下之考功  
而不能也  
此古所驗  
也至課吏  
爲斥官根  
本百王通  
法不獨當  
作。

章翁曰。考功與災異何涉。而京房曰。末世以毀譽取  
 人。故致災異。因進考功課吏法。此語似涉荒唐。然非  
 無說以處此。房蓋先著考功之法。欲進無由。且慮上  
 不見信。因言災異有驗。故乘機而上之。不得不借災  
 異發端。此進言家入門法也。予謂京房課吏之法。其  
 意不在課吏。而在屏斥宦官。何也。是時石顯用事。必  
 以私意進退人。考功之法。一行則其所喜者無由而  
 進。所忌者亦無由而退矣。君子升而小人降。則顯勢  
 漸孤。且吏治一課則無所不課。宦官盡有執掌。亦豈

在所課之中舉其不職而按以法正人在位必羣起而攻之則與顯輩爲難名決不止一蕭望之而已矣此實匡時之良法但房既有此意當隱然不露令彼墮我術中迨事成政舉之後卽欲相左而無從矣奈何于建言之始卽以毀譽取人四字觸其所忌而奪其所恃以開阻塞之門乎此考課不行之由也後人不察僅以尋常考課之法論之是止論其事而不論其人且不論其所處之時與世矣若此法止于煩碎難行而無害于當時之權貴則上意旣鄉之何妨



暫令一試。乃盈廷共阻。如出一口者。何哉。至不得已而令行之于郡。則其不便于京師可知矣。

論漢詔劉秀典領五經所奏七畧九流之議

成帝時。王莽薦劉歆爲侍中。更名秀。上復令典領五經。卒父前業。秀于是總羣書而奏其七畧。有輯畧。六藝畧。諸子畧。詩賦畧。兵書畧。術數畧。方技畧。其叙諸子分爲九流。曰儒。曰道。曰陰陽。曰法。曰名。曰墨。曰縱橫。曰雜。曰農。以爲王道旣微。是以九家蠡出。各引一端。合其要歸。亦六經之支流餘裔。使

遭明王聖主得所折中。皆股肱之材也。若能修六藝之術。而觀此九家之言。舍短取長。則可以通萬方之畧矣。

北海評  
語曰周士

貴非周士

貴也周之

士自貴也

秦士賤非

秦士賤也

秦之士自

賤也然則

劉秀卑儒

于九流非

儒卑也秀

笠翁曰。三教之中。儒與釋道並稱。已失其倫矣。然猶曰。釋道原可比肩。而道則始于老子。仲尼曾有猶龍之歎。故因道而及釋。由所愛及所不愛。其屈儒之意。猶可原也。乃三教之不足。而又益其數為九等。其名曰流。流義從水。蓋愈趨愈下之稱也。君子上達。小人下達。以為聖為賢之君子。而加以小人之稱。且與刑



之爲術者  
自卑也

名法術。陰陽縱橫之輩並齒則斯文不亦掃地乎。無  
論其所謂六藝之術。九家之言。果足以通萬方之畧。  
與否。卽觀九流之號。其名先不正矣。有名不正而言。  
順言不順。而事成者乎。噫甚矣。吾謂劉秀必非儒者。  
乃刑名法術之流。欲借儒名冠于八事之首。以重其  
術業者乎。方之乃父。可謂不肖子矣。

余澹心誦劉歆阿附王莽改名以應圖讖其子棻  
雖從揚雄問奇字而以讖被戮名教之罪人也七  
畧九流何足與之較短長乎笠翁言  
論凡以救世覽者不可不另着冷眼

### 東漢紀

論漢圖列二十八將何獨以鄧禹居首

先儒謂二十八將以鄧禹居首。當時無異議。後世無貶辭者。以禹初見帝。觀其延攬英雄。務悅民心。立高祖之業。救萬民之命。此數語者。李通耿弇賈復諸人。皆未之嘗言。且任使諸將。各當其才。此固高出諸將之上。一日帝披輿地圖曰。天下郡國如是。今始得其一。如何。禹曰。古之興者。在德厚薄。不以大小。是又非諸臣所能及。此光武所以深知而禹之所以自許者與。



笠翁曰。禹功在諸將之下。而位居其首者。以開導光武之言。甚得大體。頗有錫者氣象。文臣規模。不僅以勇力相高故也。然究其所以能若是者。豈非以諸將未嘗讀書。而禹能讀書之故歟。可見爲武臣者。定該讀書窮理。涉獵往事。始知建功立業。當以何者爲先。何者爲後。不僅在斬將奪旗。攻城掠地而已也。能讀書者。當如關雲長之喜看春秋。杜預陽之手不釋卷。卽不能讀者。亦當如石勒之講定漢書。令儒生朗誦。傾耳聽之。論其得失。而決其興亡。亦不識字人讀書。

之良法也。以此等語尚論古人，或不為無補于世。

三望如評方校策，謁世祖天下，成敗未可知。而禹獨能識真主，定大略，准陰登壇，降中抱膝，其為元功何疑？仲華以善讀書，故冠二十八將之首。顏淵稱好學，亦為聖門三千之冠。然則欲作第一人，讀書窮理，蓋可忽乎哉？昔楊椒山先生詩有云：「眉引鏡頻相照，不作寰中第二人。」先生蓋讀書窮理者也。

汪北海評鄧高密之冠雲臺也。由于能讀書，可謂探本之論矣。士亦有不讀書而為良將者，予謂不讀孫吳而能此合孫吳斯可以不讀孫吳。猶之不讀孔孟而能此合孔孟斯可以不讀孔孟。然求其能若是者，有幾人哉？故不若笠翁之論之無弊也。

論漢圖二十八將於雲臺，馬援以椒房之戚不

與



明帝思中興。乃諸將於雲臺。首鄧禹。次馬成。吳  
漢等二十八人。後又益以王常。李通等四人。合三  
十二人。馬成以椒房之戚。獨不與焉。宋儒嘉其力  
不私親。謂有教化之意。寓其間。明儒又謂明帝雖  
親親之小嫌。必論功之大義。惡乎其爲教化時。實  
又謂王莽以外戚篡漢。前車不遠。雲臺諸將皆外  
戚。以成功者也。明帝方欲垂鑒將來。宜援之終  
不得與。

笠翁曰。馬援不入雲臺之圖。諸儒各執一見。皆名論。

也。獨予淺人。無深思遠見。請爲漢室君臣畫一依樣。葫蘆而已。夫世祖之有馬援。猶宣帝之有蘇武也。雖有出使征伐之不同。其著名異域。則等爾。麟閣之勲。可屈蘇武於末席。豈雲臺之座。獨不可屈馬援於不與乎。異其事而同一情。皆爲遠人計也。鄧禹以下諸將。皆以討賊立功。獨馬援爲伏波將軍。前征交趾。後征武陵蠻。皆大破之。是塞外之人。但知伏波將軍之可畏。而不知鄧禹以下二十八將爲何如人也。向以守忠不屈之蘇武。居麟閣諸臣之末。已見中國之多。



人矣。今復以馬革裹屍者為罕，不足數之人。夏之忠臣義士，而限量乎哉？漢家衣鉢全以威服遠人為事，即無宣臨之成法。明帝猶當見及之，況有舊章可率者乎？其曰馬援以椒房之戚，不與耆史臣欲隱其意而彰明帝內不私親之實也。

汪北海評：宣帝不肯純任儒術，故以刑賞之其功。功臣于蠶絲使一類一之，皆得以先十九年不周之蘇武使北，其用當道處，明帝神明其法，而用之使馬援不與雲、常後人思其意而不得皆以為為椒房之戚，使知不辨之。孝宣固青出于藍而特勝于藍者哉！向非翁、恭、慧、眼、覷、破、幾被孝明霜道，瞞過千古。

論高帝入咸陽除秦苛法光武入河北除莽苛

政

重碑評

奇論快論

實論論初

漢州武侯

治世之

此法他

五代初

漢世初

只是不

翻案耳

笠翁曰高祖除秦苛法光武除莽苛政此皆無甚奇  
特即文章家翻案法耳此法是人皆知是人能行但  
行之不得其法非失之矯強即失之支離惟高祖光  
武善作翻案文字去此二病故能見實于人耳然則  
翻案之法謂何曰其言不繁止得二字謂之入情而  
已文字入情即翻盡古來成案天下不以爲非而且  
以爲是取天下者亦用此法即革盡從前舊制天下



不見其可傳而但見其可傳。秦取天下於六國。卒取  
天下于諸子。豈特值政法法施之堅。而所以得取之  
此亦明矣。法。高祖光武又值亂之。一。韓耳。但  
秦。秦之亂。秦反。正為奇者也。高祖光武之亂。反奇  
為正者也。反正為奇者。但能取新法。一時人之明覺  
其可厭反奇。為正者。傳之愈久而愈覺其新。觀於文  
章。家可傳不可傳之別。則知取天下之道可久不可  
久之分矣。

張仲謀評笠翁此書。雖曰論古。然實為開發。之  
文。心。欲人盡憂。憂乎陳言之務去也。又慮天

人不知猶謂其止于論古故每于論政談兵以行文之妙訣參之其度世之心亦良苦矣然等議論又非過耳之言乃其生平最得力處而文人之籬壁而另闢一堂與者乎以其所信者告人而不特其所能者驕人則笠翁之肝腸意氣皆于是乎見矣又何必飲其醇而始知能令人自醉哉

論高帝已平天下猶未正尊位光武未能削平

海內遽正尊位之故

項羽既滅天下混一諸侯王皆上疏請漢王爲皇帝王始即位于汜水之陽劉秀還至中山諸將請上尊號不許行至南平棘諸將固請之仍不許會



生疆華曰關中奉赤伏符來羣臣因復奏請王  
乃從之卽位于鄴南先儒斷曰漢王已平天下而  
不正尊位光武未平海內而遽正尊位者何哉創  
業之與中興固自不同更始既已敗亡四方竊名  
號者非一中外皇皇莫知所向苟不早正位號以  
繫人心則天下之望孤矣故書蕭王卽皇帝位改  
元大赦者深幸之也

管彥曰漢高之天下取之于他人其正尊位也不得  
不遜何也以其起兵之始曾爲義帝發喪此段因緣

不便遽爲抹煞。况項羽一日未死。猶欲借君臣大義。激發天下。一日之人心。故必俟其死。而又待諸侯力請。然後從之。此斷斷不易之理也。宋太祖爲衆心久屬。猶必待黃袍加身。况與中原逐鹿者乎。光武之天下。取其所固有。其正尊位也。不得不速。何也更始。旣敗中原無主。凡竊天潢之義者。皆得起而爭之。卜者王郎。尚能盜取名號。况介于真僞之間者乎。名位一正。而天下之人心死矣。寧可一日緩乎哉。此卽先儒所謂創業中興。固自不同之旨。因其詞意未盡。故從



而暢言之

論賈寇擬廉頗

賈復部將殺人。潁川太守寇恂捕戮之。復以爲耻。過潁川。謂左右曰。今見恂。必手劍之。恂知之。曰。蒲相如不畏秦王。而屈于廉頗者。爲國也。乃勸屬縣盛供具。一人兼兩人之饌。恂出迎于道。稱疾而還。復勒兵欲追之。而吏士皆醉。遂去。恂以狀聞。帝乃徵恂。至時。復先在坐。欲起相避。帝曰。天下未定。兩虎安得私鬪。朕爲分之。于是並坐。極歡。遂其車而

出

笠翁曰。寇恂所處之境。較相如更難。以相如可避而  
寇恂不可避也。出迎于道。稱疾而還。于此大見其作  
用。

汪北海評寇之所處。固難于蘭。然幸有蘭作於前。  
則亦學蘭焉足矣。厥後萊公以蒸羊一瓖。迎丁謂  
于境上。縱宋人飲博。不令出戶。是又善學  
寇川處寇氏家法。固工於學步前人哉。

論董宣執法史氏列之酷吏

宣為洛陽令。湖陽公主蒼頭殺人。宣格殺之。主訴  
帝。帝怒。欲箠殺之。詔曰。死遂觸盤流血。使宣叩



頭謝主宣不從強使頓宣兩手據地終不肯俯主  
曰文叔爲白衣時藏亡匿死更不敢至門今爲天  
子威不能行一令乎帝笑曰天子不與白衣同因  
勅強項令出賜錢三十萬○范史酷吏傳以宣爲  
首

笠翁曰。執法強項之人。而可名爲酷吏。則凡執法徇  
情。而爲繞指柔者。皆可名爲酷吏。矣。執法強項之人。  
不能取譽于當世。猶望蓋棺之後。或有定評。不意文  
人之筆。亦多舛謬。人亦何所望。而爲執法強項之事。

哉。丁。袁。二。子。辨。之。可。謂。能。持。公。道。者。矣。

余。澹。心。評。范。曄。作。史。顛。倒。是。非。以。董。宣。忠。鯁。之。臣。而。傳。之。於。酷。吏。以。蔡。瑗。失。身。之。婦。而。傳。之。於。則。女。宜。其。失。心。恍。惚。從。叛。以。死。也。去。白。日。之。昭。昭。從。長。夜。之。悠悠。嗟。何。及。哉。

論馬援遺書誡兒子

馬。援。在。交。趾。遺。書。誡。兒。子。嚴。敦。曰。吾。欲。汝。曹。聞。人。過。失。如。聞。父。母。之。名。耳。可。得。聞。口。不。得。言。也。龍。伯。高。敦。厚。周。慎。口。無。擇。言。謙。約。節。儉。廉。公。有。威。吾。愛。之。重。之。願。汝。曹。效。之。杜。季。良。豪。俠。好。義。憂。人。之。憂。樂。人。之。樂。父。喪。致。客。數。郡。畢。至。吾。愛。之。重。之。不。願。



汝曹效也。效伯高不得，爲謹勅之士，所謂刻鵠不成，尚類鶩也。季良不得，陷爲輕薄子，所謂畫虎不成，反類狗也。郭氏論畧曰：馬援遺書，誡兒子善矣。夫龍伯高何如？人欲其子效之，至于杜季良，則非其爲，輕薄子。而又比之畜類，是已先譏議人矣。所藏乎身，不想而能，喻諸人者，有是理哉。致松怨恨而不保令終，皆自取之也。

笠翁曰：刻鵠不成，尚類鶩；畫虎不成，反類狗，成語也。凡引成語，不能字字切貼，取其意而已矣。伏波誡子

之意所慮在刻鵠畫虎之不成不在類鶩類狗之必  
肖其意蓋曰季良非不可學但恐學之不得則陷爲  
輕薄云爾豈有意以畜類方之哉未見有以畜類方  
人而肯以豪俠尚義憂人之憂樂人之樂諸善行譽  
之于前者郭氏之論太拘所謂以詞害志然藏身不  
怨一語則爲馬援定評讀此書及此論者皆宜舍短  
取長于馬援則取聞人過失如聞父母之名于郭氏  
則取藏身不怨安能喻人四語而已矣

余澹心評郭氏之論徒供噴飯此之畜類抑何陋  
迂古云聖賢以龍以馬以鳳以麟皆比之畜類者



耶然則孟子之此孔子亦為藏身不絕不能喻人  
者耶伏波英雖跌宕萬里貽書致使世祖見之重  
伯高而黜季良其為聲價何  
等而腐儒刻畫良可惡矣

論丁鴻劉歆鄧彪三人之義

明帝時陵楊侯丁綽卒子丁鴻上書稱病讓  
其國于弟盛上不報乃遣人鮑駿遇鴻于東  
海以義責之鴻悟乃還以鴻為符中帝時居巢  
侯劉殷薨子愷當嗣稱父遺意愷其弟憲逃十餘  
年有司奏請絕其國後賈逵上書乃徵愷為郎以  
弟襲爵鄧彪亦當嗣父爵乃讓弟逃去不返

黃山十評

讓美行也

而或至于

釀亂者必

其不近人

情者耳三

子不當讓

而讓王所

謂不近人

情者笠翁

以為風教

使然蓋信

知人貴乎

論世

笠翁別集

卷之六

十一

藏板

笠翁曰三子之讓乃風教使然所謂矯枉而過正者也。一代之風教風教所在民無賢智愚不肖皆趨焉。賢智趨而過之與愚不肖之趨而不及等也。東漢尚節義故有三子者出而讓國猶之列國尚俠則有荆軻聶政諸人出而殺身晉尚風流則有劉伶阮籍諸人出而廢禮皆為風教所漸不知其然而然者也。雖然禮與其爭也寧讓俗與其靡也寧矯論者于此皆施責備之詞余獨曰東漢政教之衰猶足以敵後世民風之盛耳。



此文自評東漢政教之衰猶足以敵後世民風之盛此雖笠翁有激之言然亦彌世磨鈍之妙語也若人人以固讓為矯則篡奪者反居勝地操莽諸人皆得侈口以非伯夷叔齊矣使有位者盡如下豈復有篡位弑君之事哉

### 論黃憲比顏子

憲世貧賤父為牛醫汝南太守王龔辟之不屈荀淑遇之于逆旅竦然異之與語移日不能去既而至袁闕所問曰子國有顏子知之乎闕曰見吾叔度耶憲字叔度是時同郡戴良才高倨傲見憲未嘗不正容及歸罔然若有失其母問曰汝復從牛醫兒

來耶陳蕃及周舉嘗相謂曰時月之間不見黃生  
則鄙吝之心復萌矣郭泰曰叔度汪汪若千頃波  
澄之不清滄之不濁憲初舉孝廉又辟公府友人  
勸其仕暫到京師卽還朱晦庵曰憲之言論風行  
雖不盡見然其氣象溫厚圭角渾然見者有感于  
心亦其最高者乎使得聖人作成之當居顏氏之  
科矣

笠翁曰黃憲比顏子之言吾終不敢深信蓋譽人必  
過其實乃東漢之氣習也出口皆然不獨有私于黃



何足怪乎若謂千古上下有兩顏回吾或信之謂千  
古上下有兩孔子吾必不之信也然則所謂比類子  
者亦得其似而已矣

余澹心評余於古人中最不服者黃叔度最不服  
者阮嗣宗最可恨者王茂弘最可耻者張德遠  
此可為知者道難與俗人言也  
澹心又云天祿閣外史乃崑山人偽作無識者刻  
入秘書九經可笑也若叔度有如此著述不更辱  
顏子乎  
王望如評澹心後及寔繁有才而獨傾心于叔度  
止此近世王君西字便儼然有陋巷規模雖曰過  
情之然正未  
免習俗移人耳

論左雄喪年之法

順帝時左雄上言孔子曰四十不惑禮稱四十強仕請自今孝廉年不滿四十不得察舉若有茂才異行如顏淵子奇自可不拘年齒帝從之廣陵所舉孝廉徐淑年未四十臺郎詰之對曰詔書云有如顏淵子奇不拘年齒故本郡以臣應選郎不能屈左雄詰之曰昔顏回聞一知十孝廉聞一知幾耶淑無以對乃罷却之郡守坐免

笠翁曰東漢諸儒上書上事者衆矣其所指陳者雖



三才人本  
 之相  
 解難  
 釣夢  
 食客  
 奇才  
 始遇  
 左雄  
 致仕  
 矣翁  
 孝廉  
 機鋒  
 設九  
 作知  
 處其  
 孔

言夫四十而不惑蓋指造詣而言未嘗曰不惑之年  
 始可出而為仕也如曰不惑之年始可出而為仕則  
 何不更老其才俟至知命耳順及從心所欲之時然  
 後舉而用之更為練達而無弊乎至引戴記之言曰  
 四十而疆仕是矣夫四十而疆仕亦言其大槩未嘗  
 曰四十以前不許服官直待是年大慶之後始可應  
 鄉國之薦而赴弓旌之招也若是則左雄所言之事

又當不止此矣。禮曰：二十而弱冠，三十曰壯，有室。何不併限其年，令天下冠者必以二十，娶者必以三十，有十九而冠，二十九而娶者，皆坐以法，一槩齊之以禮之爲愈乎？舍冠娶之年不限而獨限以仕，果何謂乎？其詰徐淑之言曰：顏回聞一知十，孝廉聞一知幾，此間更屬不經。惜孝廉無術，不能折之，使我爲孝廉，則將應之曰：未審顏回所聞之一何者？爲一，所知之十何者？爲十？請公一一舉之，卽當以聞。一知幾者，對若是，則雄將何辭以應，而惜其不出此也。以如此荒



謬之談。而見之封事。已足奇矣。順帝不加升逐。而復可其奏。使天下奉為章程。豈非古今一怪事哉。噫。東漢之政。今自章和而後。吾不欲觀之矣。

余澹心評。此千古痛快之論。忽被笠翁拈出。真如石破天驚。逗秋雨也。左雄。累年與崔亮。資格均誤。殺天下英雄耳。

王隣哉評。執簿呼名。一吏事耳。東公却而不用。所以識高于古。笠翁何者為一。創者為十一。語快絕千古。余熟籌半晌。欲代雄作一。轉語終不可得。使笠翁銓序百寮。當更何當。亦應去不復顧矣。羅引魯論戴經佐其辯駁。尤準與昌黎議韓等文。比肩。

### 論漢立五經于太學門外

靈帝時。詔諸儒正五經文字。命議郎蔡邕為古文。

笠翁別集卷之九

藏板

篆隸三體書之刻石立于太學門外

汪北溟評

只一外字

生出如許

波瀾此又

奕奕點眼

法也

笠翁曰靈帝詔立五經將以重儒術也而太學門外  
豈立五經之地乎位置聖賢而使之不得其所是尊  
之適以卑之耳宣帝講五經于石渠閣章帝講五經  
于白虎觀夫歌于斯讀于斯則必聚國興于斯未聞  
麾而出之大門之外也靈帝此舉其有意爲之耶抑  
儒術之將衰斯文之欲喪莫之爲而爲之者耶未幾  
鉤黨之令徧行使經明行修之士皆高飛遠舉以避  
禍太學門內幾無一人豈非麾而出之之後驗歟甚



矣。漢庭無人而不能爭之于始也。

王望如評表章六經。出於雄才大畧之孝武。江都  
天人不可不謂之原本六經也。石渠之議。孝宣未  
免偏好。望之剛直。學不及仲舒。然亦不得謂之不  
尊經也。若靈帝之立石書之者。為蔡邕。邕讀經而  
不能衛經。白當有藥道。侮常之報。王司徒殺之。座  
上誠不為過。縱使刻之堂上。亦為聖經。罪人見麾  
之門。以外乎。

### 論管寧華歆優劣

管寧少時與華歆為友。嘗共鋤菜。見地有金。寧揮  
鋤不顧。歆捉而擲之。人以是知其優劣。邴原與寧  
俱以操尚稱。公孫度虛館侯之。寧既見度。乃廬于

山谷避難者漸來從之旬月而成邑寧每見度  
惟經典不及世事還山專講詩書習俎豆非學者  
無見山是度安其賢民化其德

笠翁曰東漢諸子動以聖賢許人其所許者未必皆  
當其所未嘗許者反有聖賢之流臣廁于其間如管  
寧生平無一可譏之事其抱道安貧廬于山谷有簞  
瓢陋巷之風可方顏子其鋤地見金輒鋤不顧與繫  
馬千鬴弗視者何異可方伊尹其避地山居從者成  
邑及講詩書習俎豆非學者不見大有繼往開來之



意雖未可追。踪孔子然。亦能繼武孟軻。至其避曹操  
居遼歸田之後。不食魏朝一粟。則居然一伯夷叔齊  
矣。而考之當時。從未有一希聖希賢之美號。抑何貴  
似而賤真。歟。總由東漢之風習。全在互相標榜。彼譽  
此爲賢。則此譽彼爲聖。不過以聖賢之美號爲贈答  
之虛詞。原無眞實許可之心也。魯寧之不得美號。想  
以生平未嘗與人己無木李之授。故人亦無瓊玖之  
報。耶。予請從千載後定其月旦曰。魯寧雖未可遽擬  
聖賢。然其人實在關西孔子之前。汝南顏子之右。黃憲

汝南人

余潛心評

華歆捉扶

后於

之中以

附曹操

而整之

哉使亦

而擲之

母后得

矣若寧

稱臣於

不則聖

賢

之徒也

笠翁又曰。管寧揮鋤。不顧華歆。捉而擲之。兩人之優劣已見。無煩贅一詞矣。但歆之一捉一擲。二事中亦有優劣。不可不為辨之。人皆喜其擲而惡其捉。謂捉有覬覦之心。而擲無貪得之實也。予獨曰。不然。捉者。天真之自露。擲者。偽念之強生。夫以鋤地而得金。雖曰取非其有。然猶愈于人。藥人而得之。使歆捉而不擲。貪則貪矣。猶不失為鳶飛魚躍之人。既捉而復擲之。是貪而繼之以詐矣。使無管寧相對。則既捉矣。寧



肯復擲之哉其擲之者固嘗寧之不顧而然也既以  
捉昧其心復以擲欺其友較之于食夫更加一等矣  
豈可與揮鋤不顧者同年而較其優劣哉

王望如誅李斯與韓非同學而非竟死士則係牘  
與龐涓同學而龐涓明於計蘇秦與張儀同學而  
儀則陷於秦先其交與多遺毒手管先生看透華  
歎舉動避之惟恐不遠連東一帽風淨雪明不獨  
也避操

### 論茅容孟敏優劣

茅容

字季偉

耕於野與等輩避雨樹下眾皆夷踞相

對容獨危坐愈恭郭林宗見而異之遂與共言容

留林宗宿旦日殺鷄爲饌林宗以爲爲已設饌而  
以供其母自以草蔬與客同飯林宗起拜之曰林  
宗猶減三牲之具以供賓客而卿如此乃我友也  
因勸令學卒以成德○孟敏字叔達荷甌墮地不顧  
去林宗見而問其意對曰甌已破矣視之何益林  
宗以此異之勸令遊學十年知名三公俱辟並不  
屈

笠翁曰人謂二事皆賢莫能舉其優劣如必欲軒輊  
之其惟後孟敏而先茅容乎以孟敏所能者小節而



茅容所重者大倫也。子曰不然。茅容殺鷄供母。而以  
草蔬待客。孝則孝矣。未免妨母之賢。彼輩挫薦之名。  
而以母德高千古者。獨非人子乎。曾參養曾母。必有  
酒肉。將欲必請所與。未聞以酒肉養父。而以草蔬待  
所與之人也。此必有意爲之以起林宗之驚。其若  
孟敏之不顧墮甕。則全出天機。以此觀人。始不失爲  
人倫之鑒。

笠翁又曰。凡天下過情之事。皆有意爲之者也。凡不  
及于情之事。皆率意爲之者也。持此法以論人。雖未

必盡當然亦思過半矣。

沈因伯評曰。爲母殺鷄亦不妨減半待客何至。予以草蔬陶母性薦秣馬芽母以草蔬待客是既以秣馬者食人又以食人者自奉矣。其事原太不情如何怪得後人譏刺。

論曹操自陳功伐及讓還三縣

操下令曰。孤始於譙東築精舍。欲待天下清。乃出仕耳。然不得如意。徵爲典軍校尉。遂欲爲國家討賊立功。使題墓道曰。漢故征西將軍曹侯之墓。此其志也。後領兗州。破黃巾。沮袁術。摧袁紹。定劉表。遂平天下。身爲宰相。人臣之貴已極。設使國家無



孤不知幾人稱帝。幾人稱王。或者人見孤強盛。恐  
妄相忖度。言有不遜之志。每用耿耿。故爲諸君陳  
道。此言皆肝膈之要也。然則孤與曹操德壤之今  
讓還三縣。且以損謗。少減孤之責也。○胡致堂謂  
曹公此令。有是有非。慕道之題。乃其本意。厥後功  
名顯著。旁無軋已者。遂萌篡奪之心。亦勢固然也。  
鍾伯敬謂此令。娓娓千數百言。字字不情。却妙在  
詳至懇款。若出至誠。使聽者心雖不以爲然。而無  
以奪之。

余澹心評

鍾伯敬一

部史懷哲

從書經中

論古人未

論其人也

即如曹操

此今字字

露其奸狡

而伯敬云

然恐嫌反

笑其愚于

千藏上耳

笠翁真老

更斷獄手

笠翁曰曹瞞下此令既非邀功亦非示讓乃導引羣

笠翁曰曹瞞下此令既非邀功亦非示讓乃導引羣

下勸進之詞也後世不察交相稱許胡致堂謂其有

是有非鍾伯敬譽以詳至懇款若出至誠噫謬矣豈

曹瞞之巧既已瞞過當世又能瞞過後世耶夫既自

陳功伐矣又曰封兼四縣何德堪之是明言功高賞

薄非四縣可耐而當爵之以天下也既題墓道曰征

西將軍曹侯之墓矣則現為漢臣又何必繫之以漢

繫以漢者是明言本欲為漢而今勢有不能也且言

天下非孤不知幾人稱帝幾人稱王又是明言帝王



之號我若不稱他人必有稱之者與其讓他人不若  
自稱之爲得也句句說出本心又句句留着下段此  
卽唐人所謂歇後語也夫何有是有非詳至懇款之  
有哉未幾董昭卽言于操曰自古人臣匡世未有今  
日之功有今日之功未有久處人臣之勢者也因建  
議進爵國公加九錫爲禪位之階皆斯言格之也噫  
瞞至今日而始爲人覺卽欲不謂之善瞞不可得矣

杜于皇詩昔人論曹操臨死分香賣履戀戀兒女  
子爲死見真性不知其大奸正在此臨終遺命雖  
效妾香履之細亦娓娓言之而譽不及化家爲國  
之一字欲使其子自爲之而猶謂其死見真性古

今人又被  
他瞞過矣

論劉備取劉璋得失

蘇東坡論畧曰。劉表之喪。昭烈在荊州。孔明欲襲殺其孤。昭烈不忍。其後劉璋以好逆之。至蜀不數月。扼其吭而奪其國。此其與曹操異者幾希。曹劉之不敵。天下之所共知。言兵不若操之多。言地不若操之廣。言戰不若操之能。所恃以勝之者。獨以區區之忠義。有以激天下之心耳。孔明遷劉璋已失。忠臣義士之望。乃治兵振旅。東鄉長驅。而欲天



下鄉應蓋亦難矣

大梅村評  
大論至論  
讀史者不  
可不具此  
草識

笠翁曰。劉備之取劉璋。雖非聖賢之心。然實英雄之  
事也。英雄作事。最忌務忠厚之虛名。而受因循之實  
禍。劉璋以闇弱之資。處豪強之界。其不滅于魏。卽滅  
于吳。夫人而知之也。備不急取。是以臥榻之側。虛左  
待人。吳得之而蜀危。魏得之而蜀滅矣。故決計取之。  
是棄小忍而成大謀。三分之勢。未必不成于此。而東  
坡責以不仁。是欲遂曹操混一之心。而成孫權兼并  
之志也。使劉備不取而蜀以亡。則後世尚論之人。又

笠翁曰  
卷之九  
芥子園



必羣起而罪以不智。然則爲古人者亦難矣。吾寧得罪于東坡。不得不爲昭烈。左祖蓋欲畧小過而全大體耳。且非無據而云然。昭烈病篤。謂孔明曰。君才十倍曹丕。若嗣子可輔。輔之。如不才。君可自取。此昭烈肝膈之言。非詐也。至親莫如子。至卑莫如臣。猶以不得于子者。屬于其臣。則取劉璋之出于不得已。不待辨而知之矣。奈何不詳始末而遽定其是非哉。噫。以東坡之才。與識猶有偏見。若此。則我輩觀久之。疎畧又豈止一言一事而已哉。



王西樵評東坡才高立論常偏僻其論苟或之死  
比于伯夷猶為不經得笠翁觀破快如袁家梨也  
王望如評笠翁此論高出東坡孔明在草廬中已  
立定借荊州取益州大主意此因備後劉表附驥  
生悲英雄州武無地故緩其謀但惜當時不盤罪  
致討而徒以謀勇奪之耳  
江北海評劉備取劉璋得失蘇氏葉氏之論向分  
左右袒余曾作論並闢之今見笠翁之論蘇氏喜  
有同心然余固美其能取劉璋猶恨前  
此不取劉琮耳不識笠翁以為何如

